

年譜一卷


卷一

傳習錄

一百十六條

理學集

B.  
128  
W64S45  
1787  
V. 1





乾隆丁未重刊

陽明先生集

要三編

濟美堂藏板





原序

性命者務華之所迹胆壯於標元而氣怯于擔荷將  
但使勞士鼓行僨轅敗轍則又數數也正心誠意之  
談未卽便興宋祚然濂洛關閩後世宗之勿替豈非  
根本之地不宜少主人翁哉夫孟子所謂盡心知性  
知天立命實與中庸之至誠盡人物性參贊化育之  
語互相發明則又何疑王文成先生之直指良知不  
可以印合聖真開引來學乎是鏡是燈卽光卽照拭  
之燃之完其固有得一萬畢信非虛也而先生以是  
出之經濟其所條畫區處種種合宜節節奏效人視



以爲震世奇勳若以靈光一點澹然周應左右逢源  
則固尋常穿衣吃飯事耳更何需播弄其精魂雕琢  
其章句以吾心之日星江河役之於涓流燭焰也者  
余幸得先生全編焚香山寺中敬閱返照恍見先生  
之所以示人卽人人所自有而知何以非良良知何  
以不致孟子不言失其本心耶中庸不言不誠無物  
耶誠之至心之盡人世應爲難爲之事業不可從穿  
衣吃飯做耶因書數言以質之四明施公祖蓋四明  
公莅閩漳八年其冰心石畫福庇於茲土者意學問  
淵源有所從出宛肖而是編卽四明公轉別時取以



示余者乃今知之矣性無岐分身有前後且得不重  
美姚江哉聞九皋居士後學林鈺盟書于退思精舍  
王文成先生起東南倡學繼往開來得未曾有而以  
其學見之匡朝定國靖大難建大功亦得未曾有蓋  
明興二百年來一人也然先生之學如暗室一燈而  
同事者疑其學先生之功如擎天一柱而當事者忌  
其功乃先生不以此介介也越數年而妬口稍息始  
論次先生功錫康侯印如故事又數十年始表章先  
生學大者雍容樽俎稱素臣次亦不失庚桑之社乎  
是先生學術始大被於天下矣今海內學士大夫得



先生片楮隻字不啻彝鼎欽而著蔡肅之吾漳僻在海隅罕覩全書間拾殘篇僅啜一嚙殊爲恨事四明施公敏而好學公餘取先生全集而詮次焉分理學經濟文章凡十五卷付諸殺青與世共寶可謂姚江之功臣閩南之教主矣昔人稱德功言三不朽我朝名碩蔚起淵嶽其心麟鳳其采者背頂相望要以鳬短鶴長遂成鼎足若夫函三爲一則先生一人而已夫以先生之忠肝義膽偉畧殊勲雖善妬者不能掩其蛾眉獨學問未易窺測猶有堅白同異之疑甚有詆先生爲僞學者嗟乎使先生之學爲僞則荀卿升



堂揚雄入室矣今諸編具在試取一再讀之皆實理  
實事根命根性真足津梁來彥冶鑄稗官至陰符之  
謀出天入地社稷之功震主驚人直先生之塵垢粃  
糠耳豈關先生至極哉昔夫子之讚黃帝曰生而民  
得其利百年死而民畏其神百年亡而民用其教百  
年故稱三百年先生去今未百載而嚮利有德尊嚴  
若神者已遍於窮谷遐隄過此以往教化翔洽百世  
以俟聖人而不惑可也施公與先生同里聞知有自  
而先後莅漳鐵面冰心十年如一日每見其訓士諭  
民及與縉紳大夫相切劘者皆原本道德之意而遭



水旱之厄撫字有方值寇盜之訐方圓竝畫實與先生之安民和衆扶危定傾同一靈變詩云唯其有之是以似之公之於先生也蓋其似哉人但知公之飲冰茹蘖一塵不染而不知其自治郡以及分守潢池無日不弄兵其間經緯武文翕張操縱安反側之心而鈔折衝于談笑者皆在不見不聞之地公不以告人未之或知也雖然有文成之人總無康侯之錫而文成自重公固學文成之學者也爲名杜而有餘爲韓范而無不足天下爲己任之人卽志不在溫飽之人公不負所學必不負天子余以其生平所討論合



之服官所展布竊謂他日姚江當有兩文成母云退  
然不勝衣軍旅未之學也賜進士文林郎侍經筵吏  
科都給事中前奉勅巡視城河工程持節冊封周府  
後學顏繼祖撰

陽明先生之文大行於世百年矣四明施公臨漳海  
而歎曰文成之功起於汀贛自平漳寇始今圖潢池  
何多日也於是悉取先生集手評之其奏議公移自  
立朝而虔州訖思田彙爲一編旣而曰先生雖在兵  
間無刻不論學復取傳習錄爲一編置於前其餘詩  
文尙多別爲一編儒者多不習兵家守師說者不能



自遣一詞往往爲詞章家所笑先生卽與顓門較猶足與何李竝時壇坫與青田竝代襴兩文成也斯兼之矣然而以兼歸先生先生不受也先生之言曰止此良知更無餘事未發之中以位以育立天下之大本而已何三之與有曰良知卽未發之中乎曰良知知善知惡易知耳良知前無未發後無已發此處未易信及疑良知有所不知必待多學多識疑良知尙落知識別求無聲無臭理學也經濟也文章也其弊皆求之良知之外至於的然則已矣的然者迹也迹豈能兼哉責絳灌文責隨陸武其品固也謂功業如



諸葛武侯忠誠如司馬溫國猶爲不著不察是經濟  
盡無與乎理學謂濂洛關閩軼唐絕漢而不能遏湖  
禍之南也理學復無與于經濟歟學者方幸文成生  
乎開天靖難之後以文臣擒叛王功在社稷有體有  
用可無疑于天下後世然而持兩之疑無將之疑僞  
學之禁亦同考亭異端之目推及子靜其故何歟信  
心者不問迹徇迹者難語心疑其功并疑其學疑其  
學則一切立功立言吾將誰使正之故論學於有宋  
諸儒之後不得不揭良知兩字爲千古聖賢滴骨血  
而今日又欲以無已發未發處爲良知滴骨血知此



者不言而信不易乎世不成乎名兼濟萬世之功無  
加損焉其不知者豈惟宋之理學無與經濟雖攝相  
三卿亦成何事設使伊萊不生乎三代呂散不遇於  
今時天地間豈復有完人哉爾來漳海多故亦向者  
虔州一時四明公每過余焦然談海上輒及桶岡洊  
頭時事因舉文成在三泐有平山中賊易平心中賊  
難之語遂相與劇論文成之學其論文成學未嘗不  
及宋諸儒先而尤反覆於紫陽幾同幾異幾疑幾信  
蓋數十往復然後相與釋然今評是編亦其反求諸  
躬參諸行事論其世然後詳說之非高談影悟鼓吹



先正苟讓當仁者比昔文成反覆紫陽定論必求針  
芥於良知而後已今四明公反覆陽明定論究其指  
歸亦必求針芥於紫陽而後已兩先生者皆過化吾  
漳其定論皆孔氏堂室必繇之徑其趨則一今之宗  
姚江者必詘考亭宗考亭則疑姚江疑其學且甚於  
後其功是編也可謂忠於文成且使吾漳再見紫陽  
矣百年以來推明文成之學者多出文成之鄉同時  
有龍溪王子龍溪之後有海門周子有石簣陶子今  
又有四明施公姚江之澤亦旣長哉時崇禎乙亥七  
月乙卯閩漳後學王志道序



不肖惟才在諸生頗厭時趨而喜閱先正文集以想  
見生平若陽明先生文則尤旦夕不釋手蓋先生一  
書備三不朽故國朝稱盛德大業首推先生而不肖  
才家稽山望姚江一派在襟帶間興會所至讀其書  
不覺親切而有味也然自釋褐來風塵鞅掌于此編  
稍疎昨冬以莆李代漳事得日侍四明施公每論及  
文學政事輒極口先生文爲第一義且出其手錄有  
理學經濟文章三集蒐覽之餘又加以精評其於良  
知之旨隨地圓照而若人人可以承當者不肖才旣  
忝觀其全亦密窺其蘊乃始喟然嘆曰天下有能讀



先生之書者而諸生與當官有兩截乎哉則試問先生所見諸講究與見諸展布有兩先生乎哉夫木有根而不能不華也水有源而不能不瀾也理學經濟文章總一良知躍露無分彼此破得此義纔是善讀先生之書者今於先生且無論其他卽在漳言漳而象湖之亂搗其巢四十二處泐頭之黠戮其黨九十二人及至平蘆溪而朔和邑以開千百年之治此豈僅空談道學所能耶迄今幽壑峻嶺皆勒先生之勲而凡官於此地者奉揚先烈皆嘖嘖曰此清漳一塊土何幸宋有紫陽而明又有先生也則從此之聿新



不獨漳之山水靈也凡誦紫陽而仰先生者皆良知靈也然而習俗滿淫履其任而覆餗敗事恐有司多不免乃後先生而起者有冰心鐵骨撐持海天之半壁如施公莅漳且八載士沐其教民食其休者不能以盡筆而卽今鎮門關樓銅山盧澳間一隘一要在經畫是處金湯亦何異乎虔吉南昌之有先生哉然則是編之成非以其文也詩曰維其有之是以似之倘非生平析理如繭絲任事如庖解而閱此書何能贊一詞不肖才於今日愈有以知先生也愈有以知施公也大抵砭人膏肓振人痿痺而直從性靈發



久大之義今而後雖日在風塵執掌而刻刻對姚江之水又不啻一新安矣  
甲戌秋八月莆陽李官會稽後學曹惟才謹序

予不肖憶束髮爲書生時家大人授以姚江語錄吟詠月餘詰之曰陽明致良知之旨與紫陽格物致知之解有二乎無二乎退而思維徐應之曰格物格吾心之物無物非心也致知致吾心之知還不慮之良而止蓋從精一中來彼非以外遺內此非以內遺外兩先生均之明道以覺世曷二乎越兩年授以陽明全書讀而卒業瞿然曰有非常之人然後有非常之



功夫功勩非常人猝駭之及臻厥成天下晏如駭者服忌者釋豈易爲豪傑許乎宸濠謀變已久魏彬錢寧等構難實繁向非有幾先之神相時之動詎能克濟忠不避難如子儀身經百戰如光弼縱觀其大帽茶寮泐頭桶岡之捷田州思恩兩廣八寨之捷戡定禍亂迅若摧枯繼且歸功聖朝渾無矜伐從容敬矢神有餘閑平蘆溪建和邑奕世敕寧咸嘉賴之不尸其功功畢歸焉駭者服忌者釋夫固恩威足以扞衆誠實心足以見諒於士大夫故也載讀劾劉璫諫佛骨二疏視汲長孺韓退之竝一忠義龍場驛之患難



甘之若飴士大夫之講明寒暑弗輟夫非良知獨解  
險夷一節以聖賢之氷兢展豪傑之經濟乎當時宵  
小張忠許泰訐其必反召不來上陰遣人覘之曰王  
守仁學道人也必不反賜還洞迨乎青龍鋪將逝語  
門人周積曰此心光光地更有何言由是觀之精誠  
誠孚殀壽不二良知耿耿千載不磨豈豪傑所易幾  
哉致良知之旨行所知言所行不自見其言之親切  
有味肫肫覺世者今天子明聖四海一家何意流寇  
充斥中外洶洶附賊內訌率獸相食豈盡冥頑試聳  
以不慮之良而醒以愛親初覺有不竦然動廢然返



乎予悵不獲登廬峰探禹穴親炙其高風迄今潛味  
致良知真旨欲爲之叅訂而未能思公其道以告人  
而莫適也幸我四明施公撫漳前後十載於茲以榮  
擢將之蜀士民睠戀難割出公餘所叅訂全書以授  
予予復瞿然曰行道以救民與明道以覺世功相等  
也公非特明之實已行之今乃思守漳時遇旱步禱  
遇飢煮粥恤孤憐寡扶善鋤強旁皇乎慈母之乳赤  
子遍歷海邑諭以赤心咸一以不慮之良提醒之彈  
壓澄汰凡而銅山鎮海六鰲諸處選將練兵制禦得  
策鎮門銳城之建屹乎金湯詎特懸魚貞標兼之制



勝秘畧以故寇盜交訐旋卽底定豈非與陽明同一  
氷兢同一經濟也哉行且匡扶宗社捧日擎天寧直  
吾蜀之一隅邀庇耶予不能不爲之再三吟詠曰宋  
有紫陽明有陽明嘉惠漳郡何幸我公心二公之心  
訂道脈之同以覺世非特明之實已行之紓予志有  
所未逮轉以追家大人所指授良知勃勃乎得有興  
也忍私而不以告人乎哉賜進士出身通議大夫大  
理寺卿侍經筵太常寺卿翰林院提督四夷館少卿  
陝西道監察御史後學王命璿謨

有聖人之才者未必當聖人之任當聖人之任者未



必成聖人之功伊尹歿而知覺之任衰逃清者入和  
逃和者入愿至於愿而荒矣周公救之以才仲尼救  
之以學其時猶未有佛老禪悟之事辭章訓詁之習  
推源致瀾實易爲功而二聖人者竭力爲之或與鳥  
獸爭勝於一時或與亂賊明辟於百世其爲之若是  
其難也明興而有王文成者出文成出而明絕學排  
俗說平亂賊驅鳥獸大者歲月小者頃刻筆到手脫  
天地廓然若仁者之無敵自伊尹以來乘昌運奏顯  
績未有盛於文成者也孟軻崎嶇戰國之間祖述周  
孔旁及夷惠至於伊尹祇誦其言曰天之生斯民也



使先知覺後知使先覺覺後覺也予天民之先覺者也予將以斯道覺斯民也變學爲覺實從此始而元聖之稱亦當世爛焉仲尼獨且退然讓不敢居一則曰先覺者其賢乎再則曰我非生而知之也夫使仲尼以覺知自任輟弊途窮亦不能輟絃歌躡赤舄以成納溝之務必不得已自附於斯文仰託於後死曰吾之志事在斯而已今其文章俱在性道已著刪定大業無所復施雖以孟軻之才不過推明其說稍爲宣暢無復發揮裨益其下則天下古今著述之故槩可知也孟軻而後可二千年有陸文安文安原本孟



子別白義利震悚一時其立教以易簡覺悟爲主亦有耕莘遺意然當其時南宗盛行單傳直授遍於巖谷當世所藉意非爲此也善哉施四明先生之言曰天下病虛救之以實天下病實救之以虛晦菴當五季之後禪喜繁興豪傑皆溺於異說故宗程氏之學窮理居敬以使人知所持循文成當晦菴之後辭章訓詁汨沒人心雖賢者猶安於帖括故明陸氏之學易簡覺悟以使人知所反本雖然朱氏學孔才不及孔以止於程故其文章經濟亦不能逾程以至於孔文成學孟才與孟等而進於伊故其德業事功皆近



於伊而進於孟夫自孔顏授受至宋明道之間主臣  
明聖人才輩生蓋二千年矣又五百年而文成始出  
陸文安不值其時雖修伊尹之志負孟氏之學而樹  
建邈然無復足稱今讀四明先生所爲集要三編反  
覆於理學經濟文章之際喟然興歎於伊孟朱陸相  
距之遠也子曰才難不其然乎不其然乎崇禎乙亥  
歲秋七月漳海治民黃道周書







自序

自古稱不朽之業有三曰立德立功立言然果如是之畫爲三等如元黃黑白之殊類乎非也蓋人未嘗生而有功生而有言惟此德命於天率於性明此者謂之精誠此者謂之一惟明故誠惟精故一是謂聖賢之學學至於誠則有以立天下之本一則有以盡天下之變德也者功從此托根言從此受響者也惟學之入德未至卽身奏一匡之績祇成雜霸之勳名卽文起八代之衰終屬詞章之小乘故上下古今伊周之後無功六經之外無言非無功與言也德之未



至卽功與言不足稱也先生從學絕道喪之日獨悟  
良知之妙蘊上接精一之心傳就不睹不聞之中裕  
經綸參贊之用舉世所謂殊猷偉烈微言奧論不必  
分役其心而已實有其理將見富有日新自然應時  
而發戡亂定變人所視爲非常之原者先生唾手立  
辦使世食其功而絕不見搶攘之跡斯名世之大業  
也創義豎詞人所稱獨擅制作之林者先生未嘗過  
而問焉不外日用之雅言而備悉夫繼往開來之緒  
斯羽翼之真傳也德立而功與言一以貫之此先生  
之獨成其不朽哉世於先生之學未能窺其蘊奧故



慕先生之功若赫然可喜誦先生之言若澹然無奇  
譬適滄茫者不望斗杓爲準與波上下東西南北揣  
摩向往無一或是而先生之爲先生自若人惟學先  
生之學試升其堂焉入其室焉而後知先生之不可  
及也後知不可及者之其則不遠也性命之中人人  
具有一先生焉人人具有一先生而竟無一人能爲  
先生先生於是乎獨成其不朽矣余以蚶蜆之質仰  
羨蟾蜍之宮每讀先生之書不啻饑以當食渴以當  
飲出王與俱然行役不常苦其帙之繁而難攜也因  
纂其切要者分爲三帙首理學次經濟又次文章便



自序  
儲之行笈時佩服不離亦以見先生不朽之業有所  
獨重云同邑後學施邦曜頓首誤



陽明先生集要三編總目

年譜一卷

理學集

卷一

傳習錄共一百十六條

卷二

語錄共八十一條

大學問

卷三

書計十二篇



卷四

書 計四十三篇

序 計七篇

經濟集

卷一

奏疏公移 計四篇

平閩廣寇 計二十篇  
附三篇

卷二

平橫水桶岡 計十四篇  
附四篇

卷三



平三泐計入篇  
附二篇

卷四

平宸濠計三十篇  
附一篇

卷五

巡撫江西計二十二篇  
附四篇

卷六

平思田計十七篇

卷七

平諸猺賊計二十三篇  
附五篇

文章集



卷一

書 計十七篇

序 計二十一篇

卷二

記 計十六篇

說 計八篇

卷三

書卷 計十八篇

墓誌 墓表 墓碑 傳 共五篇

論 箴 銘 文 祭文 共八篇



卷四

賦 計三篇

詩 寄興詩計四十六首憂患詩計五十三首  
戰伐詩計十四首道學詩計四十五首

培行 自有知識卽耳熟鄉大儒 王文成公名

長從諸前輩遊同然一詞古所稱立德立功立  
言爲三不朽者惟 公足以當之第考 公之  
學術當時學者宗之講席幾遍天下尊之者旣  
盛忌之者亦漸起于是訾警心學與儒先爲立  
異至于今承學之士猶未翕然乾隆十六年

翠華南幸



御賜名世真才祠額竊以有真學者始有真才學之  
不真才卽可議

天語煌煌一字之褒榮於華袞燭火之光瓦釜之鳴  
可以無庸矣 忠愍施公於 公爲後起輯

公集分理學經濟文章爲三編共十五卷心光  
迸照輒抒數語于上旁行斜注鈎貫繩聯自發  
策決科以至服官外而勞勩州縣旬宣八閩內  
而卿貳大僚嘗手是編不輟服膺 公之教實  
踐 公之言偉猷讜論毅魄英風恭逢

盛世闡揚忠節彪炳史乘亦旣足以光泉壤而垂百



代矣茲讀三編遺書有 文成爲之前美而益  
彰有 忠愍爲之後盛而愈傳猗歟休哉培行  
蠢愚無知何足以窺 二公學術之萬一高山  
仰止心竊慕之緣是編初刻於閩中蓋 忠愍  
官漳平時所授梓于臨海王令立準者也板久  
缺佚無從諮求同邑徐復齋師黃華陔張羅山  
二丈出善本相示慇懃授梓爰開雕于丁未三  
月八閱月始竣謹述所聞于鄉前輩之緒言暨  
培行 平日所揣測之一二用誌其崖畧以貽諸  
後乾隆五十二年孟冬中浣同邑後學朱培行



謹識



陽明先生年譜

先生諱守仁字伯安其先晉右軍將軍羲之之後  
世居山陰至二十三世迪功郎壽徙餘姚國初有  
綱者官廣東叅議死苗難其子彥達以羊革裹尸  
歸御史郭純上其事廟祀綱于增城綱蓋先生之  
六世祖也高祖與準永樂間舉遺逸不起號遯石  
翁曾祖世傑以明經貢入太學號槐里子祖天敘  
號竹軒封翰林院修撰自槐里子以下兩世皆贈  
嘉議大夫禮部右侍郎加贈新建伯父華號龍山  
繇進士及第第一人仕至南京吏部尙書封新建



伯龍山念山陰佳山水，又爲先世故居，復自餘姚徙越城之光相坊。先生因築室陽明洞，距越城東南二十里，故學者稱爲陽明先生。

成化八年壬辰九月三十日丁亥，先生生。先生在娠十四月，生之夕，祖母岑夢神人衣緋玉自雲中鼓吹送兒來，驚寤已聞啼聲。竹軒翁因名先生雲，而鄉人遂指所生樓曰瑞雲樓。

十二年丙申，先生五歲，猶不言。有神僧過而目之曰：「好個孩兒，可惜名字道破。」竹軒翁更以今名曰守仁。卽能言，嘗暗誦翁所讀書。翁訝問之，曰：「向聞祖



讀時已默記矣

十七年辛丑先生十歲、龍山公舉進士

十八年壬寅先生十一歲、竹軒翁因龍山公迎養、攜先生如京師、過登金山、與客賦詩未就、先生從傍占一絕、客大驚、復命賦蔽月山、先生又隨口占一絕、詩在集中、明年就塾師於邸中、一日與同學生走長安街、遇相者曰、吾爲爾相、爾鬚拂領入聖境、鬚至上丹臺、結聖胎、鬚至下丹田、聖果圓、先生感其言、歸問師曰、何爲第一等事、師曰、讀書登第、先生曰、恐未是、當讀書作聖人耳。



二十年甲辰先生十三歲太夫人鄭氏卒

二十二年丙午先生十五歲時石英王勇亂畿內石  
和尚劉千金亂秦中先生間行出居庸關逐健兒  
騎射遍詢夷落所以備禦之策經月始返夜夢謁  
漢馬將軍援廟賦詩一律詩在集中先生感慨時  
事屢欲上書於朝龍山公格而止之

宏治元年戊申先生十七歲七月自京師親迎夫  
人諸氏於洪都時諸公養和爲江西叅議先生就  
委禽焉合卺日偶行入鐵柱宮見道士跣趺卽而  
叩之相與對坐忘歸諸公遣人遍索不得明日先



灑掃應對  
可悟精義  
入神正是  
如此

生始還署中有紙數篋先生曰學書皆盡書法  
大進先生嘗曰吾始模古帖止得字形後凝思靜  
慮擬形於心久之始通其法及讀明道書曰吾作  
字甚敬非要字好只此是學既非要字好又何學  
也乃知古人隨時隨事只在心上學此心精明字  
好亦在其中矣後與學者論格物多舉此爲證  
二年己酉先生十八歲十二月以夫人諸氏歸餘  
姚舟過廣信謁婁一齋諒語格物之學先生甚喜  
以謂聖人必可學而至也後徧讀考亭遺書思諸  
儒謂衆物有表裏精麤一草一木皆具至理因見



竹取而格之、沈思不得、遂被疾、

五年壬子先生廿一歲、秋舉于鄉、時闈中夜半見有  
二巨人者、衣緋綠、東西立、大言曰、三人好作事、已  
而先生與孫中丞燧、胡尙書世寧同舉、及宸濠之  
變、胡發其奸、孫死其難、先生平之、

六年癸丑先生二十二歲、春試南宮、落第、宰相李西  
涯、素器先生、戲曰、待汝作來科狀元、試爲來科狀  
元賦、先生拈筆而就有忌者曰、此子取上第、目中  
無我輩矣、及丙辰春試、竟爲忌者所抑、同舍有以  
不第爲恥者、先生笑曰、汝以不得第爲恥、吾以不



先生所往  
無不成功  
其平日究  
心軍旅如  
此可見天  
下事無有  
不學而能  
者

得第動心爲恥

十年丁巳先生二十六歲寓京師時邊烽甚急詔舉將才無以應先生因精究兵法每遇賓飲聚果核列陣勢爲戲

十一年戊午先生二十七歲讀考亭上光宗疏有曰居敬持志爲讀書之本循序致精爲讀書之法乃悔前日用力雖勤而無所得者欲速故也因循序以求之然物理吾心終判爲二沈鬱旣久舊疾復作聞道士談養生之說而悅焉

十二年己未先生二十八歲春舉南宮第二人賜二



陽明先生年譜  
甲進士第七人觀政工部先生爲諸生時嘗夢威  
寧伯王越遺以弓劒是秋奉命督造威寧墳馭役  
夫以什伍法休食以時暇則驅演八陣圖事竣威  
寧家謝以金帛不受出威寧所佩劒以贈適與  
夢符遂受之時星變下詔求言先生疏論邊務八  
事

十三年庚申先生二十九歲授刑部雲南司主事

十四年辛酉先生三十歲奉命讞獄江北暇日遊九  
華山見道者蔡蓬頭問以仙術蔡曰尙未有頃先  
生逆左右再拜請問蔡曰尙未問至三蔡曰汝禮



道者真是  
異人

能不爲異  
道所惑非  
大智不能

雖隆終不忘官相，大笑而別。地藏洞有異人，坐臥松毛，不火食。先生歷巖險訪之，值其睡，先生默坐良久，方醒，問以第一義諦，不荅。徐曰：周濂溪程明道，你儒家兩個好秀才也。語畢復睡。先生歸，明日再往，不復見矣。

十五年壬戌先生三十一歲

八月予告歸越，築室

陽明洞，行道引術友人王思輿等來訪。先生命僕迎之，且歷語其來蹟，似先知者。衆驚異，以爲得道。久之，先生悟曰：此簸弄精魄，非道也。遂屏去其術，欲離家遠遯，念祖母岑與龍山公在，一日悟曰：此



真正法眼

念生于孩提。此念亡。是斷滅種性矣。乃移居西湖。往來南屏虎跑間。有僧禪坐三年。不語不視。先生喝曰。這和尚終日口巴巴說甚麼。終日眼睜睜看甚麼。僧驚起。先生問其家。對曰。有母在。曰。起念否。對曰。不能不起念。先生卽指愛親本性諭之。僧涕泣拜謝挈鉢而歸。

十七年甲子先生三十三歲。秋主考山東鄉試。試錄皆先生筆也。九月改兵部武選司主事。

十八年乙丑先生三十四歲。是年識湛甘泉。若水與盟。講明聖學。門人始進。



正德元年丙寅先生三十五歲時奄瑾擅政南京科道戴銑薄彥徽等皆下獄二月先生抗疏救之觸瑾矯旨廷杖四十謫貴州龍場驛驛丞

二年丁卯先生三十六歲夏赴謫至錢塘瑾遣人陰跡先生先生懼佯爲自沉于江密附商船往舟山颶風一夕飄墮閩界比登岸山行數十里夜扣野寺不納又趨野廟倚香案臥蓋虎穴也夜半虎但遶廊吼不敢入黎明寺僧來廟所意先生必啖于虎將收其橐此寺僧蓋素借虎以禦客者見先生方睡醒驚曰非常人也邀至其寺則向與先生



先生隨所至多遇異人如長安相者鐵柱宮道士九華山蔡蓬頭俱得其指點之力豈先生為一代大儒故隨在有神人為之呵護耶非尋常之士得冀幸一遇者

跌坐于鐵柱宮之道士在焉道士笑出袖中詩相示有二十年前曾見君今來消息我先聞之句因問先生曰爾欲安往萬一瑾怒逮爾父誣爾北走胡南走粵奈何先生愕然卦之得明夷乃決策返別道士畱詩壁間詩在集中遂取間道繇武夷歸涉鄱陽往省龍山公于建業以十二月赴龍場驛時先生妹壻徐愛因先生將赴龍場納贄北面奮然有志於學

三年戊辰先生三十七歲春三月至龍場驛龍場在貴州萬山中蛇虺蠱蟲畢聚夷人缺舌不通語



此所謂動  
心忍性增  
益其所不  
能

言可與通語言者，僅中土亡命耳。時瑾憾未釋，先生自計得失榮辱俱忘，惟生死一念尚在。乃鑿石槲以俟命焉。會從者皆病，先生親析薪取水作糜飼之。又爲歌詩調越曲，雜談笑以相解懯。因沈思聖人處此更有何道？忽中夜大悟格物致知之旨。不覺呼躍而起。從者皆驚，始知聖人之道吾性自足。向之求理於事物者，誤也。默記五經之言證之，莫不脗合。著五經臆說，夷人亦日來親見先生所棲卑濕，爲構龍岡書院寅賓堂，何陋軒，君子亭，玩易窩，以居。先生思州守遣人侮先生，諸夷不平，毆



之、守、怒、白、于、當、道、當、道、令、先、生、詣、謝、先、生、不、可、致、  
書、復、之、守、聞、自、失、水、西、安、宣、慰、餽、梁、肉、給、使、令、重、  
以、金、幣、鞍、馬、先、生、俱、不、受、始、朝、廷、議、設、軍、衛、於、水、  
西、兼、築、城、郭、既、而、止、然、驛、傳、尙、存、安、惡、據、其、腹、心、  
欲、去、之、以、問、先、生、先、生、遺、書、申、朝、廷、令、甲、威、信、安、  
心、乃、折、有、宋、氏、酋、長、曰、阿、賈、阿、札、者、叛、宋、氏、作、亂、  
先、生、復、遺、書、諷、諭、安、安、悚、然、率、所、部、平、其、難、

四、年、己、巳、先、生、三、十、八、歲、貴、州、提、學、副、使、席、書、聘、先、  
生、主、貴、陽、書、院、身、督、諸、生、師、先、生、是、年、先、生、始、論、  
知、行、合、一、其、說、具、語、錄、中、



五年庚午先生三十九歲、繇龍場驛丞陞廬陵縣知縣、爲政七月、不事威刑、選三老里正諭民爲善、多感化者、冬十一月入覲、館於興隆寺、時黃宗賢綰始見先生論學、先生喜、令與湛甘泉俱、十二月陞南京刑部四川司主事

六年辛未先生四十歲、正月調吏部驗封司主事、始論晦庵象山之學、有答徐成之書、時方獻夫爲郎位在先生上、敬執贄先生、二月爲會試同考試官、十月陞文選司員外郎

七年壬申先生四十一歲、二月陞考功司郎中



十二月陞南京大僕寺少卿、便道歸省、是年徐愛  
以祁州守遷南工部郎、與先生同舟歸越、論大學、  
宗旨詳語錄、

八年癸酉先生四十二歲、冬十月、至滁州、日與門  
人遨遊瑯琊、灤泉間、月夕環龍潭而坐者數百人、  
歌聲振山谷、舊學之士日益至、

九年甲戌先生四十三歲、四月陞南京鴻臚寺卿、  
是年始專以致良知訓學者、

十年乙亥先生四十四歲、立從弟守信子正憲爲後、  
時先生與諸弟守儉、守文、守章皆未舉子故也、



八月擬諫迎佛疏近侍言西域有僧能知三生事胡人謂之活佛遣宦者劉允乘傳往迎以珠琲爲幡幢黃金爲供賜資巨萬勅允往反以十年期得便宜行事請鹽七萬引爲行李費輔臣楊廷和執奏不聽先生擬疏欲上後止

十一年丙子先生四十五歲九月陞都察院左僉都御史巡撫南贛汀漳等處以兵部尙書王瓊舉也王思輿語季本曰陽明此行必立事功吾觸之不動矣

十二年丁丑先生四十六歲正月至贛州先經萬



今隨在皆  
如此惟明  
不足以燭  
奸多爲左  
右所賣

安有賊數百沿途劫掠商舟不敢進先生令聯商  
艦結爲陣勢揚旗鳴鼓若趨戰者賊懼羅拜呼曰  
饑荒流民乞求賑濟先生令人諭之曰至贛後卽  
差官撫插各安生理毋作非爲自取戮滅賊皆散  
歸先生入贛日卽選募民兵行十家牌法先是贛  
人之在官府者皆洞賊耳目官府舉動賊必先聞  
軍門一老隸作奸尤甚先生知之呼入密室使自  
擇生死隸吐實先生許以不死試其言悉驗先生  
以是盡得賊情矣二月平漳寇四月班師  
五月立兵符奏設平和縣治于河頭移小溪巡



王晉溪立  
朝他無表  
見只此一  
節便堪不  
朽

簡司于枋頭。六月請疏通鹽法。九月改提督  
南贛汀漳等處軍務。欽給旗牌得便宜行事。先是  
先生申明賞罰疏以旗牌便宜為請。有笑其迂者。  
獨王公瓊曰。朝廷此等權柄。不與此等人。又將誰  
與覆疏得旨。悉從之。江西鎮守太監畢真謀於近  
倖。請監其軍。瓊奏以為兵法最忌遙制。若使南贛  
用兵。必待謀於省城。鎮守敗矣。惟省城有警。則聽  
南贛策應可也。真謀乃寢。以平漳寇功陞俸一  
級。賞銀二十兩。文綺四端。十月平橫水桶岡諸  
寇賊首謝志珊。就擒。先生問之曰。汝何得黨類之



賊之用心  
如此畢竟  
爲先生所  
擒益見先  
生方畧之  
妙

衆若此志珊曰亦不容易平生見世上好漢斷不放過必多方鉤致之或赴其難或周其急或逞其酒色嗜好待其懷德與之謀無不應矣先生顧謂門人曰吾儕求友之切亦當如是十二月班師奏設崇義縣治于橫水增茶寮隘上堡鉛厰長龍三巡簡司

十三年戊寅先生四十七歲三月平大帽洲頭諸寇四月班師舉酒以酬諸門人曰感諸君助我以此相報門人各矍然問故先生曰始吾登堂賞罰軍事嘗恐誤有愧諸君不敢不慎及退對諸君



收朋友之  
益者當如  
此用心

尚覺前之賞罰有未慊也。直至登堂行事與諸君相對時，此心恰恰如一始安。此固諸君之所以助我矣。五月奏設和平縣治于和平峒，改和平巡簡司于湫頭。六月以平橫水桶岡功，陞右副都御史。廕一子錦衣衛世襲百戶。七月刻古本大學，刻朱子晚年定論。十一月再請疏通鹽法。十四年己卯，先生四十八歲。正月以平三泐功，廕一子錦衣衛世襲副千戶。六月奉勅勘處福建叛軍，初九日發贛州，十五日至豐城，聞寧王宸濠反，趨還吉安，起義師。濠遣兵追先生，先生以計得。



脫十九至吉安上疏告變慮賊黨順流窺建業犯  
京師兩都倉卒無備思以計詒濠使遲留旬月不  
出乃萬全於是偽爲兩廣軍門機密火牌偽爲迎  
接京邊官軍公文偽爲李士實劉養正內應書偽  
爲閔念四凌十一投降狀令雷濟龍光先後設法  
故聞于濠濠乃疑懼猶豫其詳具反間遺事中二  
十一日再上疏告變以叛黨方熾恐前疏不得達  
也同日又疏乞省葬七月初五日疏上宸濠謫  
訕檄榜十三日率伍文定等義師發吉安十五日  
大會于樟樹遣奉新縣知縣劉守緒襲破濠伏兵



晉溪真不  
可及

于新舊墳厰十九日發市汭二十日拔南昌二十  
四日與賊戰于鄱陽湖之黃家渡二十五日戰于  
八字腦二十六日獲濠于樵舍江西平而朝廷不  
知也當是時始以南京都御史李克嗣飛章告急  
集廷臣會議廷臣猶觀望不敢斥言濠反獨兵部  
尚書王瓊曰豎子素行不義今倉卒舉亂不足慮  
王守仁據上游躡之成擒必矣但故事不得不命  
將乃疏請下詔削濠屬籍正賊名請命將出師趨  
南都命南和伯方壽祥防江都御史俞諫率淮兵  
翊南都王守仁率南贛兵繇臨吉都御史秦金率



如此布置  
亦好

湖兵繇荆瑞會南昌李克嗣鎮鎮江許廷光鎮浙  
江叢蘭鎮儀真遏賊衝傳檄江西諸路但能倡義  
旅擒反者封侯時羣小導上親征有旨不必命將  
朕當親率六師奉天征討假威武大將軍鎮國公  
行事令太監張永張忠安邊伯許泰都督劉暉率  
京邊官軍萬餘以從給事中祝續御史張綸隨軍  
紀功八月十六日上疏諫止親征是日再乞省  
葬九月十一日發南昌獻俘如京師時忠泰等  
誅上使人以威武大將軍牌取逆濠放還湖中俟  
上親與之戰而後獲之爲功及先生行至廣信忠



張永真內  
侍之傑然  
者然亦先  
生之至誠  
有以感之

泰又使人邀還江西先生不聽乘夜過玉山草萍  
驛適張永候于杭先生見永謂曰江西之民久遭  
濠毒既經大亂繼以旱災又加以京邊官軍供應  
困苦不支必逃聚山谷爲亂昔助濠尙脇從耳今  
爲窮迫所激奸黨羣起天下將成土崩之勢公素  
委心朝廷得無念耶永曰然吾之此出爲羣小在  
側欲調護左右以默輔聖躬非爲掩功來也但皇  
上天性順其意猶可挽回萬一若逆之徒激羣小  
之怒無救于天下之大計矣先生信其無他以濠  
付之而稱病居西湖淨慈寺十一月返南昌以



此正所謂  
知柔知剛  
非有大學  
問者不能

奉勅巡撫江西也時忠泰等在江西百計撿羅續  
綸又望風附會肆爲飛語先生既還北軍肆坐慢  
罵或故衝導起釁先生一不爲動愈待以禮密令  
居人移家于鄉而以老羸應門將犒賞北軍忠泰  
預禁其人令勿受先生傳示內外諭北軍離家苦  
楚居民當敦主客之禮每出遇北軍喪必停車唁  
慰厚與之櫬嗟歎乃去久之北軍咸感會冬至節  
先生令城市設酒脯以奠死于亂者哭聲晝夜不  
絕北軍聞之無不思家泣下忠泰欲與先生較射  
意先生不能有以屈之先生勉應三發三中北軍



在、傍、哄、然、舉、手、嘖、嘖、忠、泰、大、懼、曰、我、軍、皆、附、王、都、  
耶、乃、班、師、還、南、都、是、年、十、二、月、二、十、六、日、上、至、  
南、都、

十、五、年、庚、辰、先、生、四、十、九、歲、上、在、南、都、忠、泰、既、憾、先、  
生、每、矯、旨、召、先、生、而、先、生、不、赴、乃、密、譖、于、上、云、王、  
守、仁、必、反、上、問、以、何、爲、驗、對、曰、試、召、之、必、不、來、  
正、月、有、詔、召、先、生、張、永、使、幕、士、錢、秉、忠、密、以、報、先、  
生、聞、命、趨、至、忠、泰、復、拒、之、于、蕪、湖、先、生、入、九、華、山、  
宴、坐、草、庵、中、上、陰、遣、人、覘、之、曰、王、守、仁、學、道、人、也、  
安、得、反、命、還、江、西、過、開、先、寺、刻、石、于、讀、書、臺、曰、正、



歸功於朝  
極得大體

德己卯六月十四乙亥寧藩濠以南昌叛稱兵向  
闕破南康九江攻安慶遠近震動七月十三辛亥  
臣守仁以別郡之兵復南昌宸濠擒餘黨悉定當  
此時天子聞變赫怒親統六師臨討遂俘宸濠以  
歸於赫皇威神武不殺如霆之震靡擊而折神器  
有歸孰敢窺竊天鑒於宸濠式昭皇靈嘉靖我邦  
國蓋世宗龍飛之兆徵于此矣豈先生能前知乎  
二月觀兵如九江三月又疏乞省葬五月江  
西大水疏自劾六月如贛大閱士卒教戰法江  
彬遣人來覘人皆爲先生懼先生作啾啾吟解之



堪爲募兵  
者法

思慮之深  
遠若此真  
是出於忠  
君愛國之  
心

曰東家老翁防虎患虎夜入室銜其頭西家小兒  
不識虎持竿驅虎如驅牛門人陳九川等復以爲  
憂先生曰吾昔在省城處權豎鎗鋒劒鉞間吾心  
帖然今公等何多慮也有言萬安多武士命叅隨  
往錄之諭曰但多膂力不問武藝得三百人龍光  
問宸濠旣平錄此何爲先生笑曰交趾有內難出  
其不意搗之亦一機會也蓋是時上在南都宸濠  
尙未伏法而彬謀叵測故有牛首夜驚之事只畏  
先生不敢動耳先生之所以觀兵九江校士贛州  
錄萬安武力者其意皆以此固難爲衆人道矣



七月重上江西捷音疏時羣黨欲自獻俘襲功張永曰不可昔我等未出京時宸濠已擒王都堂獻俘北上過玉山渡錢塘經人耳目不可假也於是以大將軍鈞帖令先生重上捷音先生乃節畧前奏入諸人名于疏內再上之八月咨部院雪理冀元亨冤狀閏八月初八日上在南京受俘十二日上自南京旋蹕霍韜曰是役也罪人已執猶動衆出師地方已寧乃殺民奏捷誤先朝於過舉搖國是於將危蓋忠泰之攘功賊義厥罪滔天而續綸之詭隨敗類其黨惡不才亦甚矣九月自贛



如此宰相  
真可恨

州還南昌時泰州王艮服古冠服執木簡以二詩  
來見先生先生異其人降階延之上坐問何冠曰  
有虞氏冠問何服曰老萊子服問學老萊子乎曰  
然曰將止學服其服抑學其上堂詐跌也良心動  
坐漸側及論格物致知之旨言下豁然明日易服  
執弟子禮十二月初三日上在通州賜宸濠死  
初八日上還京

十六年辛巳先生五十歲三月十四日上崩於豹  
房四月世宗登極八月召先生馳驛來京二  
十日發南昌輔臣沮之陞南京兵部尙書叅贊機



務先生行至錢塘，上疏仍乞便道省葬歸越。十二月，制封新建伯，詔至日，適龍山公誕辰，先生捧觴爲壽，公蹙然曰：「向寧濠之變，皆以汝爲死矣，而不死，皆以事難平矣，而卒平，讒構朋興，禍機四發，前後二年，岌乎幾不免矣！天開日月，顯忠遂良，父子濫冒封賞，穹官高爵，復相見於一堂，豈非幸歟！然盛者衰之始，福者禍之基，雖可幸，亦可懼也。先生洗爵而跪曰：「大人之教，兒所日夜切心者也。」嘉靖元年壬午，先生五十一歲。正月初十日，疏辭封爵不允。二月，龍山公卒，先生哭踊幾絕，戒家



眞摯之語  
動人肺腑

人齋食百日，未幾，又令弟姪輩稍進乾肉，曰：「諸子，參養習久，強其不能，是恣其作偽也。不如稍寬之，使各求自盡可矣。」先生久哭暫輟，有弔客至，侍者云：「宜哭。」先生曰：「哭發於心，若以客至而始哭，則以客退而不哭矣。世人飾情行詐，已久故于父母亦然。」七月，再疏辭封爵，不報。時御史程啟充給事中，毛玉承宰相意，倡爲異說，劾先生。門人刑部主事陸澄上疏，爲六辯以折之。先生聞而止之。九月，葬龍山公于石泉山。

二年癸未，先生五十二歲。二月，南宮策士，以心學



先生不與  
世爭是非  
亦只是實  
見得是耳

爲問陰闕先生門人徐珊不答而出門人錢德洪  
下第歸見先生先生喜而接之曰聖學從茲大明  
矣德洪曰時事如此此學何繇得明先生曰吾學  
惡得遍語天下今會試錄出雖窮鄉深谷無不見  
矣吾學既非天下必有起而求真是者九月改  
葬龍山公於天柱峯鄭太夫人於徐山因石泉有  
水患也十一月與張元沖論二氏之學元沖曰二  
氏作用亦有功于吾儒者不知亦當兼取否先生  
曰說兼取便不是了聖人盡性至命何物不具何  
待兼取二氏之學皆我之學卽吾盡性至命中完



養此身謂之仙。不染世累謂之佛。後世儒者不見聖學之全，故與二氏成二見耳。辟之廳堂三間，共爲一室。儒者見佛氏，則割左邊一間與之；見老氏，則割右邊一間與之；而已則自處于中間，皆舉一而廢百也。

三年甲申，先生五十三歲。正月，越郡守南大吉見先生，自陳其臨政多過，問先生何無一言教我。先生曰：吾已言之久矣。大吉未解。先生問曰：吾不言，汝何以知？對曰：此某之良知也。先生曰：良知非我常言而何？大吉笑謝而去。越數日，再來請曰：某過

今日居官



者只少自  
悔二字先  
生此言堪  
為炯鑒

後甚悔、雖亟思改圖、然不若得人預言、不犯為佳、  
先生曰、人言不如自悔真切、越數日、又來請曰、身  
過可勉、心過奈何、先生曰、昔鏡未開明、可以藏垢、  
今鏡明矣、一塵之落、亦難住脚、此入聖之機也、勉  
之、八月十五日、宴門人于天泉橋、是夜月白如  
晝、門人百餘人、酒酣、各歌詩、投壺、擊鼓、盪舟、為樂、  
先生見諸生興劇、退而作詩云、鏗然舍瑟、春風裏、  
點也雖狂、得我情、明日諸生入謝、先生曰、昔孔子  
在陳、思魯之狂士、以學者沒溺、富貴如拘、如囚、而  
莫之省、有高明脫落者、知一切俗緣、皆非性體、然



不加實踐以入於精微則漸有輕滅世故濶畧倫  
物之病雖比世之庸瑣者不同其爲未得於道一  
也故孔子思歸以裁之今諸君已見此意正好精  
詣力造以求至於道無以一見自足而終止於狂  
也錢德洪德周魏良政良器讀書城南遊禹穴諸  
勝忘返錢父問二魏曰得無妨課業乎二魏答曰  
觸處皆舉子業也曰朱說亦須理會否二魏曰以  
吾良知求晦翁之說譬之打蛇得七寸又何憂不  
得耶錢父疑未釋進問先生先生曰譬之治家學  
聖賢者其產業第宅服食器物皆所自置欲請客



出所有以享之客去其物具在還以自享終身用  
之無窮也學舉業者專以假貸爲功欲請客自廳  
事以至供具百物莫不遍借客來雖一時豐裕可  
觀客去則盡以還人一物非所有也若請客不至  
則時過氣衰借貸亦不備終身奔勞作一婁人而  
已是求無益於得求在外也明年乙酉魏良政發  
解錢父聞之笑曰打蛇得七寸矣時大禮議起霍  
兀厓席元山黃宗賢宗明問先生先生皆不答  
四年乙酉先生五十四歲正月夫人諸氏卒四月  
祔葬于徐山六月先生服闋禮部尙書席書特



疏薦曰生在臣前者見一人曰楊一清生在臣後者見一人曰王守仁

五年丙戌先生五十五歲聶豹以御史巡按福建渡錢塘來見先生喜謂思孟周程無意相遭於千載之下然豹是時尙以賓客禮見也後六年豹出守蘇州先生已下世四年矣語錢德洪王畿曰吾學誠得先生開發冀再見執贄不及矣茲以二君爲證具香案拜先生稱門人十二月庚申正億生

六年丁亥先生五十六歲五月起總督兩廣江西

聶公亦一  
有志之士



識此可知  
道無內外  
動靜之別

湖廣軍務征思田 九月發越 五月過南昌先  
是先生舟次廣信門人徐樾方自白鹿洞學趺坐  
而來有禪定意登舟先生目而得之令舉似曰不  
是已而稍變前語曰不是此體豈有方所譬之此  
燭光無不在不可以燭上爲光因指舟中曰此亦  
是光此亦是光指舟外水面曰此亦是光樾唯唯  
明日至南浦百姓迎者謹呼塞途至不能行父老  
爭頂輿遞入都司先生命就謁者東入西出有不  
舍者出且復入自辰至未始散始舉有司常儀有  
諸生唐堯臣者素不信先生講學至是驚曰三代



唐公亦一大聰慧人

以下安得有此氣象耶明日謁文廟講大學於明倫堂諸生屏擁多不得聞堯臣詐爲獻茶者得上堂傍廳大喜自慶十一月至梧州上謝恩遂陳膚見疏

七年戊子先生五十七歲二月平思田七月平八寨斷藤峽上經略思田及八寨斷藤峽事宜九月以平思田功賞銀五十兩紵絲四襲十月以疾疏請告不報謁漢馬伏波將軍廟于烏蠻灘宛然少時夢中所見也識二詩于其壁謁增城先廟先生之六世祖綱以叅議死苗難者是也



見得此心  
如此可以  
死矣終不  
死矣

十一月班師至大庾嶺先生疾已劇謂布政使王大用曰爾知孔明之所以托姜維乎大用遂擁兵護衛且爲敦匠事二十五日至南安門人推官周積來見二十八日泊青龍鋪明日召積入開目視曰吾去矣積泣下問何遺言先生微哂曰此心光光地更有何言有頃瞑目而逝門人贛州兵備張思聰迎入南埜驛沐浴褫歛如禮十二月初三日思聰與官屬師生設祭入棺明日輿櫬登舟士民遠近遮道哭聲震地至贛士民沿途擁哭如南安至南昌門人巡按御史儲良材提學副使趙淵



請改歲行士民昕夕哭奠

八年己丑正月喪發南昌時連日逆風舟不能行  
趙淵祝子柩曰公豈爲南昌士民留耶越中子弟  
門人來候久矣忽變西風六日直至弋陽二月  
庚午喪至越時朝中有異議爵廕贈諡諸典皆不  
行方下詔禁偽學詹事黃綰上疏曰忠臣事君義  
不苟同君子立身道無阿比臣昔爲都事今少保  
桂萼時爲舉人臣取其大節與之交友及臣爲南  
京都察院經歷見大禮不明相與論列從此與萼  
二十餘年始終無間昨臣薦新建伯王守仁堪以

桂萼無良  
心一至於



此亦只是起於一念之忌爲相臣者一有忌心便妨賢病國無所不至

輔導聖德、萼與守仁不合、因不謂然、小人乘間構隙、然臣終不以此廢萼平生也、但臣於事君之義、師友之道、則有不得、不明者、夫臣之所以深知守仁、以其功與學耳、然功高而人忌、學古而人不識、此守仁之所以不容於世也、蓋守仁之大功有四、其一宸濠不軌、謀非一日、內臣如魏彬等、嬖幸如錢寧、江彬等、文臣如陸完等、爲之內應、鎮守如畢真、劉朗等、爲之外應、故當時中外之臣、多懷觀望、若非守仁忠義自許、不顧赤族之禍、身任討賊之事、則天下安危、未可知矣、今乃皆以爲伍文定之



功是輕發縱而重走狗也。其二大帽茶寮泐頭桶  
岡諸賊寨勢連四省，兵積累歲，守仁臨鎮，次第底  
定。其三田州思恩構釁有年，事不得息，民不得安，  
故起守仁以往，使盧王之徒崩角來降，感泣受杖，  
遂平一方之難。其四自來八寨爲兩廣腹心之疾，  
其間守戍官軍與賊爲黨，莫可奈何。守仁假永順  
同兵，盧王降卒襲而殲之，易若拉朽。凡此守仁之  
功，皆除大患，卒又以死勤事而寧，可泯滅之乎其  
學之大有三：一曰致良知，致知出於孔子而良知  
出於孟子，何可異也；一曰親民，卽百姓不親之親。



而凡親賢樂利與民同其好惡而爲絜矩之道者是也亦非創爲之說也一日知行合一蓋亦大易所謂知至至之知終終之只一事也守仁發此欲人言行相顧勿事空言是守仁之學正接孔孟之學而庸可非訾之乎今萇以此詆守仁遂致陛下失此良弼使守仁不獲致君堯舜誰之過與故臣不敢以此爲萇是也夫以守仁之學之正如此其功之高又如此乃賞典不及削罰有加廢褒忠之舊恩倡僞學之新禁萇之所以輔明主者爲何如哉今守仁客死妻子孱弱家童載骨藁埋空山鬼



神有知、當爲惻然、況於人乎、況于聖人乎、假使守  
仁生于異世、陛下猶當追崇之、何至親見其人而  
失之也、臣昔與守仁友二十年、一日憤寡過之不  
能守仁、從而覺之、忽有深省、遂師事之、是臣於守  
仁實非苟然相信如世俗師友者也、臣於君父之  
前、處師友之間、既有所懷、不敢不盡、昔萼爲小人  
所讒、臣爲之憤、旣而得白、臣爲之喜、固非臣之私  
也、守仁今日之抱冤、亦猶萼向日之負屈、伏願擴  
一視之仁、特勅所司、優以卹典、贈諡、仍與世襲、并  
開學禁、以昭聖德、若此事不明、則萼與臣終不能



忘故臣敢直言如此所以盡事陛下之忠且以補  
莠之過也疏入不報十一月葬先生於洪溪洪溪  
去越城三十里入蘭亭五里先生所親擇也先是  
後溪入懷與左溪會衝嚙右麓術者心嫌之夜有  
夢神人緋袍玉帶立於溪上者曰吾欲還溪故道  
明日雷雨大作溪泛忽從南岸明堂周濶數百尺  
遂定穴時門人會哭者千餘人四方來觀者皆涕  
泣歎息

隆慶元年丁卯 五月詔贈先生爲新建侯諡文成  
二年戊辰 六月先生嗣子正億襲封新建伯



萬歷十二年甲申詔從祀先生於孔子廟



萬曆十二年甲申春陽明先生出外平賊



陽明先生集要理學編目錄

卷一

傳習錄一

共十五條

傳習錄二

共六十六條

傳習錄三

共三十五條



卷一

卷二

卷三

卷四

陽明先生全集



陽明先生集要理學編卷一

施四明先生評輯

邑後學

徐坤師厚

朱培行仲皞

謹校

傳習錄一

先生於大學格物諸說，悉以舊本爲正，蓋先儒所謂誤本者也。愛始聞而駭，既而疑，已而殫精竭思，叅互錯縱，以質於先生，然後知先生之說，若水之寒，若火之熱，斷斷乎百世以俟聖人而不惑者也。先生明睿天授，然和樂坦易，不事邊幅，人見其少時豪邁不羈，又嘗泛濫於詞章，出



動心忍性  
以入道千  
古賢聖皆  
然

入二氏之學。驟聞是說。皆目以爲立異好奇。湯  
不省究。不知先生居夷三載。處困養靜。精一之  
功。固已超入聖域。粹然大中至正之歸矣。愛朝  
夕炙門下。但見先生之道。卽之若易。而仰之愈  
高。見之若麓。而探之愈精。就之若近。而造之愈  
益。無窮。十餘年來。竟未能窺其藩籬。世之君子  
或與先生僅交一面。或猶未聞其謦欬。或先懷  
忽易憤激之心。而遽欲於立談之間。傳聞之說。  
臆斷懸度。如之何其可得也。從遊之士。聞先生  
之教。往往得一而遺二。見其牝牡驪黃。而棄其



自知講解  
即服膺朱  
子新民之  
訓爲再無  
二義今領  
先生之說  
覺萬物一  
體之意更  
脈然有動

所謂千里者故愛備錄平日所聞私示同志相  
與考而正之庶無負先生之教云門人徐愛書  
愛問在親民朱子謂當作新民後章作新民之文似  
亦有據先生以爲宜從舊本作親民亦有所據否  
先生曰作新民之新是自新之民與在新民之新  
不同此豈足爲據作字却與親字相對然非新字  
義下面治國平天下處皆於新字無發明如云君  
子賢其賢而親其親小人樂其樂而利其利如保  
赤子民之所好好之民之所惡惡之此之謂民之  
父母之類皆是親字意親民猶孟子親親仁民之



明倫之教不能行於  
平成播種之先養民  
正是聖人裁成輔相  
之道當先下手處莫  
看得粗淺了

堯舜以精一相授受  
若無光格誕敷之化  
堯舜只成得一個佛  
祖道師何以能開千

謂親之即仁之也。百姓不親。舜使契爲司徒。敬敷五教。所以親之也。堯典克明峻德。便是明明德。以親九族。至平章協和。便是親民。便是明明德於天下。又如孔子言修己以安百姓。修己便是明明德。安百姓便是親民。說親民便兼教養意。說新民便覺偏了。

愛問知止而後有定。朱子以爲事事物物皆有定理。似與先生之說相戾。先生曰。於事事物物上求至善。却是義外也。至善是心之本體。只是明明德。到至精至一處。便是然。亦未嘗離却事物。本註所謂



聖道統之傳蓋人心止此一個善原是合天地鬼神先聖後聖以爲體的稍有間雜本體便虧故學問到精而一萬事畢矣夫子之所謂一貫卽此

盡夫天理之極而無一毫人欲之私者得之。愛問至善只求諸心恐於天下事理有不能盡。先生曰心卽理也。天下又有心外之事心外之理乎。愛曰如事父之孝事君之忠交友之信治民之仁其間有許多理在恐亦不可不察。先生歎曰此說之蔽久矣豈一語所能悟。今姑就所問者言之。且如事父不成去父上求個孝的理事君不成去君上求個忠的理交友治民不成去友上民上求個信與仁的理都只在此心。心卽理也。此心無私欲之蔽卽是天理不須外面添一分。以此純乎天理之



人苟無真  
實孝親忠  
君信友愛  
民之心終  
日講求亦  
是虛話必  
實實有此  
心後講求  
俱是天理  
發見流行  
處只是說  
講求者不  
可不知頭  
腦非謂盡  
孝忠信愛  
者不必講  
求也

心發之事父便是孝。發之事君便是忠。發之交友  
治民便是信與仁。只在此心去。人欲存天理上用  
功。便是愛。曰。聞先生如此說。愛已覺有省悟處。但  
舊說纏於胸中。尚有未脫然者。如事父一事。其間  
溫清定省之類。有許多節目。不知亦須講求否。先  
生曰。如何不講求。只是有個頭腦。只是就此心去  
人欲存天理上講求。就如講求冬溫也。只是要盡  
此心之孝。恐怕有一毫人欲間雜。講求夏清也。只  
是要盡此心之孝。恐怕有一毫人欲間雜。只是講  
求得此心。此心若無人欲。純是天理。是個誠於孝



親的心。冬時自然思量父母的寒，便自要去求個溫的道理。夏時自然思量父母的熱，便自要去求個青的道理。這都是那誠孝的心發出來的條件。却是須有這誠孝的心，然後有這條件發出來。譬之樹木，這誠孝的心便是根，許多條件便是枝葉。須先有根，然後有枝葉。不是先尋了枝葉，然後去種根。禮記言孝子之有深愛者，必有和氣。有和氣者，必有愉色。有愉色者，必有婉容。須是有個深愛，做根，便自然如此。

鄭朝朔問至善亦須有從事物上求者，先生曰：至善



此聖人於  
庸德庸言  
兢兢存一  
不敢之心  
正是此意

只是此心純乎天理之極便是更於事物上怎生  
求且試說幾件看朝朔日且如事親如何而爲溫  
清之節如何而爲奉養之宜須求個是當方是至  
善所以有學問思辨之功先生曰若只是溫清之  
節奉養之宜可一日二日講之而盡用得甚學問  
思辨惟於溫清時也只要此心純乎天理之極奉  
養時也只要此心純乎天理之極此則非有學問  
思辨之功將不免於毫釐千里之謬所以雖在聖  
人猶加精一之訓若只是那些儀節求得是當便  
謂至善卽如今扮戲子扮得許多溫清奉養的儀



讀此可見  
意之動處  
卽關着天  
下國家所  
謂誠意者  
不動而敬  
不言而信  
就裕篤恭  
而天下平  
之實際如  
一毫走作  
所關於天  
下國家不  
小故君子  
必慎之於  
獨所以誠  
意爲大學  
大關鍵也

節是當。亦可謂之至善矣。愛於是日又有省。

愛因未會先生知行合一之訓。與宗賢惟賢往復辨  
論。未能決。以問於先生。先生曰。試舉看。愛曰。如今  
人儘有知得父當孝。兄當弟者。却不能孝。不能弟。  
便是知與行分明是兩件。先生曰。此已被私欲隔  
斷。不是知行的本體了。未有知而不行者。知而不  
行。只是未知。聖賢教人知行。正是要復那本體。不  
是着你只恁的便罷。故大學指個真知行與人看。  
說如好好色。如惡惡臭。見好色屬知。好好色屬行。  
只見那好色時。已自好了。不是見了後。又立個心。



識先生好  
色惡臭之  
解於誠意  
之旨深矣

說得痛快  
知行合一  
之旨了然

去好。聞惡臭屬知。惡惡臭屬行。只聞那惡臭時。已  
自惡了。不是聞了後。別立個心去惡。如鼻塞人。雖  
見惡臭在前。鼻中不曾聞得。便亦不甚惡。亦只是  
不曾知臭。就如稱某人知孝。某人知弟。必是其人  
已會行孝行弟。方可稱他知孝。知弟。不成只是曉  
得說些孝弟的話。便可稱為知孝。弟。又如知痛。必  
已自痛了。方知痛。知寒。必已自寒了。知飢。必已自  
飢了。知行如何分得開。此便是知行的本體。不曾  
有私意隔斷的。聖人教人。必要是如此。方可謂之  
知。不然。只是不曾知。此却是何等緊切着實的工



夫如今苦苦定要說知行做兩個，是甚麼意，其要說做一個，是甚麼意，若不知立言宗旨，只管說一個兩個，亦有甚用。愛曰：古人說知行做兩個，亦是要人見個分曉，一行做知的工夫，一行做行的工夫，卽工夫始有下落。先生曰：此却失了古人宗旨也。某嘗說知是行的主意，行是知的工夫，知是行之始，行是知之成。若會得時，只說一個知，已自有行在；只說一個行，已自有知在。古人所以旣說一個知，又說一個行者，只爲世間有一種人，懵懵懂懂的，任意去做，全不解思惟省察，也只是個冥行。



妄作。所以必說個知。方才行得是。又有一種人。茫  
茫蕩蕩。懸空去思索。全不肯着實躬行。也只是個  
揣摩影響。所以必說一個行。方才知得真。此是古  
人不得已。補偏救弊的說話。若見得這個意。時卽  
一言而足。今人却就將知行分作兩件去做。以爲  
必先知了。然後能行。我如今且去講習討論。做知  
的工夫。待知得真了。方去做行的工夫。故遂終身  
不行。亦遂終身不知。此不是小病痛。其來已非一  
日矣。某今說個知行合一。正是對病的藥。又不是  
某鑿空杜撰。知行本體原是如此。今若知得宗旨。

必理會得  
兩個分明



方纔會得  
只是一個  
若只圖圖  
說一個終  
是閒話

時。卽。說。兩。個。亦。不。妨。亦。只。是。一。個。若。不。會。宗。旨。便。  
說。一。個。亦。濟。得。甚。事。只。是。閒。說。話。

愛問昨聞先生止至善之教已覺工夫有用。力處。但  
與朱子格物之訓思之終不能合。先生曰。格物是  
止至善之功。旣知至善卽知格物矣。愛曰。昨以先  
生之教推之。格物之說似亦見得大畧。但朱子之  
訓其於書之精一論語之博約孟子之盡心知性  
皆有所證據。以是未能釋然。先生曰。子夏篤信聖  
人。曾子反求諸已。篤信固亦是。然不如反求之切。  
今旣不得於心。安可狃於舊聞。不求是當。就如朱



博是約之功一句格物致知之解更無疑義自兒童之灑掃應對以至大聖之精義入神總不離此博之工夫第知識有淺深工夫有難易耳論到至一之處其實初學

子亦尊信程子至其不得於心處亦何嘗苟從精一博約盡心本自與吾說脗合但未之思耳朱子格物之訓未免牽合附會非其本旨精是一之功博是約之功曰仁既明知行合一之說此可一言而喻盡心知性知天是生知安行事存心養性事天是學知利行事殀壽不貳修身以俟是困知勉行事朱子錯訓格物只爲倒看了此意以盡心知性爲物格知至要初學便去做生知安行事如何做得愛問盡心知性何以爲生知安行先生曰性是心之體天是性之源盡心卽是盡性惟天下至



所格之物  
卽生知安  
行所格之  
物非生安  
方能格物  
初學舍去  
格物別有  
一種工夫  
也然得先  
生之說可  
爲學者躡  
等之戒要  
知博學不  
僅是多見  
多聞之謂  
蓋道無往  
不在聖賢  
無往非學  
卽冥目靜  
坐與視聽

誠爲能盡其性、知天地之化育、存心者、心有未盡  
也、知天、如知州知縣之知、是自己分上事、已與天  
爲一事、天如子之事、父臣之事、君須是恭敬奉承、  
然後能無失、尙與天爲二、此便是聖賢之別、至於  
夭壽不貳其心、乃是教學者一心爲善、不可以窮  
通夭壽之故、便把爲善的心變動了、只去修身以  
俟命、見得窮通夭壽、有個命在、我亦不必以此動  
心、事天雖與天爲二、已自見得個天在面前、俟命  
便是未曾見面、在此等候相似、此便是初學立心  
之始、有個困勉的意在、今却倒做了、所以使學者



言動皆博  
學也慎思  
明辯篤行  
總成就得  
一個博學

人看物字  
是死的先  
生看物字  
是活的

無下手處。愛曰：昨聞先生之教，亦影影見得工夫。須是如此。今聞此說，益無可疑。愛：昨晚思格物的物字，卽是事字。皆從心上說。先生曰：然。身之主宰便是心。心之所發便是意。意之本體便是知。意之所在便是物。如意在於事親，卽事親便是一物。意在於事君，卽事君便是一物。意在於仁民愛物，卽仁民愛物便是一物。意在於視聽言動，卽視聽言動便是一物。所以某說無心外之理，無心外之物。中庸言不誠無物，大學明明德之功，只是個誠意。誠意之功，只是個格物。



先生又曰、格物如孟子大人格君心之格、是去其心之不正、以全其本體之正、但意念所在、卽要去其不正、以全其正、卽無時無處、不是存天理、卽是窮理、天理卽是明德、卽是明明德、

又曰、知是心之本體、心自然會知、見父自然知孝、見兄自然知弟、見孺子入井、自然知惻隱、此便是良知、不假外求、若良知之發、更無私意障礙、卽所謂充其惻隱之心、而仁不可勝用矣、然在常人不能無私意障礙、所以須用致知格物之功、勝私復理、卽心之良知、更無障礙、得以充塞流行、便是致其



此卽子與  
氏博學而  
詳說將以  
反說約之  
旨識得此  
機括上天  
下地無往  
非文無往  
非學眼前  
俱是活潑  
潑地時行  
物生不假  
言說道自  
燦然矣顏

知知致則意誠

愛問先生以博文爲約禮工夫、深思之未能得、略請  
開示、先生曰、禮字卽是理字、理之發見可見者、謂  
之文、文之隱微不可見者、謂之理、只是一物、約禮  
只是要此心純、是一個天理、要此心純是天理、須  
就理之發見處用功、如發見於事親時、就在事親  
上學存此天理、發見於事君時、就在事君上學存  
此天理、發見於處富貴貧賤時、就在處富貴貧賤  
上學存此天理、發見於處患難夷狄時、就在處患  
難夷狄上學存此天理、至於作止語默、無處不然、



子曰博我以文其解是哉

此卽孔子道二仁與不仁之說出此入彼只有一個更無兩個可不慎哉

隨他發見處卽就那上面學。個存天理。這便是博學之於文。便是約禮的工夫。博文卽是惟精。約禮卽是惟一。

愛問道心常爲一身之主。而人心每聽命以先生精一之訓推之。此語似有弊。先生曰。然。心一也未雜於人。謂之道心。雜以人爲謂之人心。人心之得其正者。卽道心。道心之失其正者。卽人心。初非有二心也。程子謂人心卽人欲。道心卽天理。語若分析而意實得之。今日道心爲主。而人心聽命。是二心也。天理人欲不竝立。安有天理爲主。人欲又從而



聽命者。

聖人雅欲  
無言刪述  
六經誠非  
聖人得已  
爲多言亂  
道者立防  
耳學者不  
得其意惟  
存見少煩  
稱之而愈  
迷得其意  
轉存見多  
反求之而  
卽是先生  
此論使聖  
人刪述之  
旨曉然見  
於天下大

愛問文中子、韓退之、先生曰、退之文人之雄耳、文中子賢儒也、後人徒以文詞之故、推尊退之、其實退之去文中子遠甚、愛問何以有擬經之失、先生曰、擬經恐未可盡非、且說後世儒者著述之意、與擬經如何、愛曰、世儒著述、近名之意、不無、然期以明道、擬經純若爲名、先生曰、著述以明道、亦何所效、法曰、孔子刪述六經、以明道也、先生曰、然則擬經獨非效法孔子乎、愛曰、著述卽於道有所發明、擬經似徒擬其迹、恐於道無補、先生曰、子以明道者、



有羽翊聖  
真之功

大哉六經之  
道經緯天  
地綱紀人  
物無微不  
徹無顯不  
貫終日言  
之不能盡  
者也然究  
之不外一  
心易只是  
一個易簡  
書只是一  
個精一詩  
只是是一個  
思無邪禮  
只是是一個  
無不敬春

使其反朴還淳而見諸行事之實乎抑將美其言  
詞而徒以譎譎於世也天下之大亂由虛文勝而  
實行衰也使道明於天下則六經不必述刪述六  
經孔子不得已也自伏羲畫卦至於文王周公其  
間言易如連山歸藏之屬紛紛籍籍不知其幾易  
道大亂孔子以天下好文之風日盛知其說之將  
無紀極於是取文王周公之說而贊之以爲惟此  
爲得其宗於是紛紛之說盡廢而天下之言易者  
始一書詩禮樂春秋皆然書自典謨以後詩自二  
南以降如九邱八索一切淫哇逸蕩之詞蓋不知



秋只是一

個明大義

故能見經

於心即千

百言渾無

一字否則

言仁言義

適爲盜資

人苟執經

求解即日

奉刪述之

訓猶未免

對塔說輪

相耳

始皇暴虐

至於焚書

阮儒其罪

真萬劫莫

贖然亦錄

章句腐儒

其幾千百篇。禮樂之名物度數。至是亦不可勝窮。孔子蓋刪削而述正之。然後其說始廢。如書詩禮樂中。孔子何嘗加一語。今之禮記諸說。皆後儒附會而成。已非孔子之舊。至於春秋。雖稱孔子作之。其實皆魯史舊文。所謂筆者。筆其舊。所謂削者。削其繁。是有減無增。孔子述六經。懼繁文之亂天下。惟簡之而不得。使天下務去其文。以求其實。非以文教之也。春秋以後。繁文益盛。天下益亂。始皇焚書得罪。是出於私意。又不合焚六經。若當時志在明道。其諸反經叛理之說。悉取而焚之。亦正暗合。



致君無術  
一惟引經  
泥古觸其  
暴虐之性  
以至於此  
諸儒亦當  
分任其咎

問得好

刪述之意。自秦漢以降。文又日盛。若欲盡去之。斷不能去。只宜取法孔子錄其近是者。而表章之。則其諸怪悖之說。亦宜漸漸自廢。不知文中子當時擬經之意如何。某切深有取於其事。以爲聖人復起。不能易也。天下所以不治。只因文盛實衰。人出已見。新奇相高。以眩俗取譽。徒以亂天下之聰明。塗天下之耳目。使天下靡然爭務修飾文詞。以求知於世。而不復知有敦本尙實反朴還淳之行。是皆著述者有以啟之。愛曰。著述亦有不可缺者。如春秋一經。若無左傳。恐亦難曉。先生曰。春秋必待



此是先生  
感慨文勝  
之意學者  
不得因是  
便謂讀書  
不必究其  
詳得是旨而  
存之即六  
經亦糟粕  
矣

傳而後明，是歇後謎語矣。聖人何苦爲此艱深隱晦之詞？左傳多是魯史舊文，若春秋須此而後明，孔子何必削之？愛曰：伊川亦云，傳是案，經是斷。如書弑某君，伐某國，若不明其事，恐亦難斷。先生曰：伊川此言，恐亦是相沿世儒之說，未得聖人作經之意。如書弑君，即弑君便是罪，何必更問其弑君之詳？征伐當自天子出，書伐國，即伐國便是罪，何必更問其伐國之詳？聖人述六經，只是要正人心，只是要存天理，去人欲。於存天理，去人欲之事，則嘗言之。或因人請問，各隨分量而說，亦不肯多道。



恐人專求之言語。故曰。予欲無言。若是一切縱人。欲滅天理的事。又安肯詳以示人。是長亂導姦也。故孟子云。仲尼之門。無道桓文之事者。是以後世無傳焉。此便是孔門家法。世儒只講得一個霸者的學問。所以要知得許多陰謀詭計。純是一片功利的心。與聖人作經的意思正相反。如何思量得通。因歎曰。此非達天德者。未易與言此也。又曰。孔子云。吾猶及史之闕文也。孟子云。盡信書。不如無書。吾於武城。取二三策而已。孔子刪書於唐虞夏。四五百年間。不過數篇。豈更無一事。而所述止此。



刪去者是  
刪去其天  
理之所無  
添上者亦  
是添上其  
天理之所  
無不爭在  
言之多寡

聖人之意可知矣。聖人只是要刪去繁文。後儒却只要添上。愛曰：聖人作經，只是要去人欲，存天理。如五霸以下事，聖人不欲詳以示人，則誠然矣。至如堯舜以前事，如何略不少見？先生曰：羲黃之世，其事疎濶，傳之者鮮矣。此亦可以想見其時，全是淳龐朴素，略無文彩的氣象。此便是太古之治，非後世可及。愛曰：如三墳之類，亦有傳者。孔子何以刪之？先生曰：縱有傳者，亦於世變漸非所宜。風氣益開，文彩日勝。至於周末，雖欲變以夏商之俗，已不可挽。況唐虞乎？又況羲黃之世乎？然其治不同。



聖人見道  
常人見事  
道則不言  
躬行而理  
自該事則  
必多言煩  
稱而求其  
備說愈備  
而叛道彌  
甚矣

其道則一。孔子於堯舜則祖述之。於文武則憲章之。文武之法。卽是堯舜之道。但因時致治。其設施政令。已自不同。卽夏商事業。施之於周。已有不合。故周公思兼三王。其有不合。仰而思之。夜以繼日。況太古之治。豈復能行。斯固聖人之所可略也。又曰。專事無爲。不能如三王之因時致治。而必欲行以太古之俗。卽是佛老的學術。因時致治。不能如三王之一本於道。而以功利之心行之。卽是霸者以下事業。後世儒者。許多講來講去。只是講得個霸行。



信然

先生此論  
甚快然二  
十一史記  
事與春秋  
無異何以  
不竝稱經  
蓋春秋之  
稱經者非  
因記事也  
因經聖人

又曰唐虞以上之治後世不可復也略之可也三代之治後世不可法也削之可也惟三代之治可行然而世之論三代者不明其本而徒事其末則亦不可復矣

愛曰先儒論六經以春秋爲史史專記事恐與五經事體終或稍異先生曰以事言謂之史以道言謂之經事卽道道卽事春秋亦經五經亦史易是庖羲氏之史書是堯舜以下史詩禮樂是三代史其事其道同安有所謂異

又曰五經亦只是史史以明善惡示訓戒善可爲訓



之筆削也  
否則仍與  
諸史無異  
孔子曰其  
義則邱竊  
取之大義  
明而道存  
乎其間如  
止以事言  
則五經皆  
史矣

問得好

此說雖無  
考據以理

者。時存其迹以示法。惡可爲戒者。存其戒而削其  
事。以杜姦。愛曰。存其迹以示法。亦是存天理之本  
然。削其事以杜姦。亦是遏人欲於將萌否。先生曰。  
聖人作經。固無非是此意。然又不必泥着文句。愛  
又問。惡可爲戒者。存其戒而削其事。以杜姦。何獨  
於詩而不刪鄭衛。先儒謂惡者可以懲創人之逸  
志。然否。先生曰。詩非孔門之舊本矣。孔子云。放鄭  
聲。鄭聲淫。又曰。惡鄭聲之亂雅樂也。鄭衛之音。亡  
國之音也。此是孔門家法。孔子所定三百篇。皆所  
謂雅樂。皆可奏之郊廟。奏之鄉黨。皆所以宣暢和



揆之應如  
是愚以心  
存天理卽  
淫佚之詞  
足爲炯戒  
以私欲之  
心讀之適  
爲長淫導  
姦之藉懲  
創之說與  
先生之旨  
竝存可也

平涵泳德性。移風易俗。安得有此。是長淫導姦矣。  
此必秦火之後。世儒附會。以足三百篇之數。蓋淫  
佚之詞。世俗多所喜傳。如今閭巷皆然。惡者可以  
懲。創人之逸志。是求其說而不得。從而爲之辭。  
愛因舊說汨沒。始聞先生之教。實是駭愕不定。無入  
頭處。其後聞之既久。漸知反身實踐。然後始信先  
生之學。爲孔門嫡傳。舍是皆傍蹊小徑。斷港絕河  
矣。如說格物是誠意的工夫。明善是誠身的工夫。  
窮理是盡性的工夫。道問學是尊德性的工夫。博  
文是約禮的工夫。惟精是惟一的工夫。諸如此類。



始皆落落難合其後思之既久不覺手舞足蹈

右門人徐愛曰仁錄

傳習錄二

君子之戒  
慎恐懼只  
是一心在  
天理上

凡逐物為  
主者見在  
外也物來  
簡點物往  
即弛主一  
之學動如  
是靜亦如  
是也

念念要存  
天理是立

先生曰持志如心痛一心在痛上豈有工夫說閒話  
管閒事

澄問主一之功如讀書則一心在讀書上接客則一  
心在接客上可以為主一乎先生曰好色則一心  
在好色上好貨則一心在好貨上可以為主一乎  
是所謂逐物非主一也主一是專主一個天理  
問立志先生曰只念念要存天理即是立志能不忘



志如此然  
尚有許多  
工夫舍不  
得學問思  
辨篤行否  
則天理何  
能存

後世著述之  
謬俱繇達自  
已意見發自  
已才情故失  
聖人傳神之  
旨甚至題盜  
跖以會史豈  
不有亂正學  
如孟子云誦  
詩讀書必要

陽明先生全集卷之五

卷之五

陽明先生全集

乎此久則自然心中凝聚猶道家所謂結聖胎也  
此天理之念常存馴至於美大聖神亦只從此一  
念存養擴充去耳

日間工夫覺紛擾則靜坐覺懶看書則且看書是亦  
因病而藥

處朋友務相下則得益相上則損

問後世著述之多恐亦有亂正學先生曰人心天理  
渾然聖賢筆之書如寫真傳神不過示人以形狀  
大略使之因此而討求其真耳其精神意氣言笑  
動止固有所不能傳也後世著述是又將聖人所



論世知人此方是著述大手

聖人只是  
一點靈明  
上下高深  
往來今古  
森然畢具  
凡一切制  
作無其事  
而已有其  
理此聖人  
所謂退藏  
於密也如  
就事變上  
討求必把  
宇宙事業  
一手做完  
方成個聖

畫摩倣謄寫而妄自分析加增以逞其技其失真愈遠矣

問聖人應變不窮莫亦是預先講求否先生曰如何講求得許多聖人之心如明鏡只是一個明則隨感而應無物不照未有已往之形尚在未照之形先具者若後世所講却是如此是以與聖人之學大背周公制禮作樂以文天下皆聖人所能爲堯舜何不盡爲之而待於周公孔子刪述六經以詔萬世亦聖人所能爲周公何不先爲之而有待於孔子是知聖人遇此時方有此事只怕鏡不明不



人堯舜將  
以此貶聖  
矣豈有是  
理

聖人不自  
以為聖是  
實實見得  
道無窮盡  
如此非謙  
辭也

怕物來不能照講求事變亦是照時事然學者却  
須先有個明的工夫學者惟患此心之未能明不  
患事變之不能盡曰然則所謂沖漠無朕而萬象  
森然已具者其言何如曰是說本自好只不善看  
亦便有病痛

義理無定在無窮盡吾與子言不可以少有所得而  
遂謂止此也再言之十年二十年五十年未有止  
也他日又曰聖如堯舜然堯舜之上善無盡惡如  
桀紂然桀紂之下惡無盡使桀紂未死惡寧止此  
乎使善有盡時文王何以望道而未之見



人多疑先生致知之說墮於空虛讀到此處却要人於實地上用功特不得其解者自失之耳

卽此可識格物之旨天地間舍却可見可聞可言可思之理安得復有不可見聞不可言思之理惟格者得之耳蓋人見物是物聖人見此物卽吾心活活潑潑之理絕無

問靜時亦覺意思好才遇事便不同如何先生曰是徒知養靜而不用克己工夫也如此臨事便要傾倒人須在事上磨方立得住方能靜亦定動亦定問上達工夫先生曰後儒教人纔涉精微便謂上達未當學且說下學是分下學上達爲二也夫目可得見耳可得聞口可得言心可得思者皆下學也目不可得見耳不可得聞口不可得言心不可得思者上達也如木之栽培灌溉是下學也至於日夜之所息條達暢茂乃是上達人安能預其力哉故凡可用功可告語者皆下學上達只在下學裡



精蘊內外之  
隔

入性止此一善原無  
有二惟人欲雜之而  
一者始二惟還其無  
雜者自全體渾然至  
善故曰惟精是惟一  
之功一者即先生專  
主一個天理之謂已

陽明先生理學集

卷一

陽明先生

凡聖人所說雖極精微俱是下學學者只從下學  
裡用功自然上達去不必別尋上達的工夫

千古聖人只有這些子又曰人生一世惟有這件事

問惟精惟一是如何用功先生曰惟一是惟精主意

惟精是惟一功夫非惟精之外復有惟一也精字

從米姑以米譬之要得此米純然潔白便是惟一

意然非加舂簸篩揀惟精之功則不能純然潔白

也舂簸篩揀是惟精之功然亦不過要此米到純

然潔白而已博學審問慎思明辨篤行者皆所以

爲惟精而求惟一也他如博文者即約禮之功格



發未發俱  
只是一個  
天理更無  
兩個也

識得寧靜  
真偽之辨  
方可與存  
天理

以寧靜為  
主便是靠

物致知者。即誠意之功。道問學即尊德性之功。明  
善即誠身之功。無二說也。  
漆雕開曰。吾斯之未能信。夫子說之。子路使子羔為  
費宰。子曰。賊夫人之子。曾點言志。夫子許之。聖人  
之意可見矣。

問寧靜存心時。可為未發之中否。先生曰。今人存心。  
只定得氣。當其寧靜時。亦只是氣。寧靜不可以為。  
未發之中。曰。未便是中。莫亦是求中工夫。曰。只要。  
去人欲存天理。方是工夫。靜時念念去人欲存天  
理。動時念念去人欲存天理。不管寧靜不寧靜。若



着寧靜一  
邊心已馳  
於寧靜矣  
安得謂中

陽明先生遺集 卷一  
靠那寧靜不惟漸有喜靜厭動之弊中間許多病  
痛只是潛伏在終不能絕去遇事依舊滋長以循  
理爲主何嘗不寧靜以寧靜爲主未必能循理

問孔門言志由求任政事公西赤任禮樂多少實用  
及曾皙說來却是要的事聖人却許他是意何如  
曰三子是有意必有意必便偏着一邊能此未必  
能彼曾點這意思却無意必偏是素其位而行不  
願乎其外素夷狄行乎夷狄素患難行乎患難無  
入而不自得矣三子所謂汝器也曾點便有不器  
意然三子之才各卓然成章非若世之空言無實



要識養此  
未發之中  
既不可從  
講求得如  
閉目冥心  
以為養又  
墮寧靜為  
主之病究  
竟從何處  
下手蓋人  
自墮胎後  
無息不與  
物接此物  
物之則在  
吾心即此

者故夫子亦皆許之

問知識不長進如何先生曰為學須有本原須從本  
原上用力漸漸盈科而進仙家說嬰兒亦善譬嬰  
兒在母腹時只是純氣有何知識出胎後方始能  
啼既而後能笑又既而後能認識其父母兄弟又  
既而後能立能行能持能負卒乃天下之事無不  
可能皆是精氣日足則筋力日強聰明日開不是  
出胎日便講求推尋得來故須有個本原聖人到  
位天地育萬物也只從喜怒哀樂未發之中上養  
來後儒不明格物之說見聖人無不知無不能便



是未發之中乃所謂天理也。君子只是戒慎恐懼。一心在天理上。任他耳聽目視。手持足行。定盤星一毫不走。方是學有本原之

人若不於身心上實

欲於初下手時講求得盡。豈有此理。又曰。立志用功。如種樹然。方其根芽。猶未有幹。及其有幹。尚未有枝。枝而後葉。葉而後花實。初種根時。只管栽培灌溉。勿作枝想。勿作葉想。勿作花想。勿作實想。懸想何益。但不忘栽培之功。怕沒有枝葉花實。問。看書不能明。如何。先生曰。此只是在文義上穿求。故不明。如此。又不如爲舊時學問。他倒看得多。解得去。只是他爲學。雖極解得明曉。亦終身無得。須於心體上用功。凡明不得。行不去。便須反在自心體上。當即可通。蓋四書五經。不過說這心體。這心



體卽讀盡  
天下書終  
是空花

體。卽。所。謂。道。心。體。明。卽。是。道。明。更。無。二。此。是。爲。學。  
頭。惱。處。

或問晦菴先生曰、人之所以爲學者、心與理而已、此  
語如何、曰、心卽性、性卽理、下一與字、恐未免爲二、  
此在學者善觀之、

或曰、人皆有是心、心卽理、何以有爲善有爲不善、先  
生曰、惡人之心、失其本體、

問析之有以極其精而不亂、然後合之有以盡其大  
而無餘、此言如何、先生曰、恐亦未盡、此理豈容分  
析、又何須湊合得、聖人說精一自是盡、



省察是有事時存養存養是無事時省察

澄嘗問象山在人情事變上做工夫之說先生曰除

了人情事變則無事矣喜怒哀樂非人情乎自視

聽言動以至富貴貧賤患難死生皆事變也事變

亦只在人情裏其要只在致中和致中和只在謹

獨

澄問仁義禮智之名因已發而有曰然他日澄曰惻

隱羞惡辭讓是非是性之表德邪曰仁義禮智也

是表德性一而已自其形體也謂之天主宰也謂

之帝流行也謂之命賦於人也謂之性主於身也

君子非除了人情事變又有謹獨工夫也沈沈默默之中所戒慎恐懼者惟此人情事變之理即紛應雜投之時而沈默之地主張自在此動靜合一之學

聖人只是一盡性此



外更無能  
事然與初  
學言渾淪  
說一個性  
字又無從  
下手處先  
生說要看  
得一性字  
分明此語  
可思

必實實身  
體力行方  
能識得此  
光景

謂之心。心之發也。遇父便謂之孝。遇君便謂之忠。自此以往。名至於無窮。只一性而已。猶人一而已。對父謂之子。對子謂之父。自此以往。至於無窮。只一人而已。人只要在性上用功。看得一性字分明。卽萬理燦然。

一日論爲學工夫。先生曰。教人爲學。不可執一偏。初學時。心猿意馬。拴縛不定。其所思慮。多是人欲一邊。故且教之靜坐。息思慮。久之。俟其心意稍定。只懸空靜守。如槁木死灰。亦無用。須教他省察克治。省察克治之功。則無事而可間。如去盜賊。須有個



孔子告顏  
子一日克  
已復禮正  
是此工夫  
非有大勇  
者不能

怕鬼者只  
是心怯故

掃除廓清之意。無事時。將好色好貨好名等私。逐一追究。挖尋出來。定要拔去病根。永不復起。方始為快。常如猫之捕鼠。一眼看着。一耳聽着。纔有一念萌動。卽與克去。斬釘截鐵。不可姑容。與他方便。不可窩藏。不可放他出路。方是真實用功。方能掃除廓清。到得無私可克。自有端拱時在。雖曰何思何慮。非初學時事。初學必須思省察克治。卽是思誠。只思一個天理。到得天理純全。便是何思何慮。澄問。有人夜怕鬼者。奈何。先生曰。只是平日不能集義。而心有所歉。故怕。若素行合於神明。何怕之有。



夫子說敬鬼神而遠之敬者惟恐一事有乖天理卽是集義若近而媚之卽是怕矣

必盛德感

子莘曰正直之鬼不須怕恐邪鬼不管人善惡故未免怕先生曰豈有邪鬼能迷正人乎只此一怕卽是心邪故有迷之者非鬼迷也心自迷耳如人好色卽是色鬼迷好貨卽是貨鬼迷怒所不當怒是怒鬼迷懼所不當懼是懼鬼迷也

定者心之本體天理也動靜所遇之時也

澄問學庸同異先生曰子思括大學一書之義爲中庸首章

問孔子正名先儒說上告天子下告方伯廢輒立郢此意如何先生曰恐難如此豈有一人致敬盡禮



化衛輒方能如是處置然難處正在此否則以仲由之賢於父子大義豈不曉得竟以身爲殉信惟聖人能處人倫之變

此是天理人情之極則舍此別無處法如廢輒立郢之說便是

待我而爲政。我就先去廢他。豈人情天理。孔子旣肯與輒爲政。必已是他能傾心委國而聽。聖人盛德至誠。必已感化衛輒。使知無父之不可以爲人。必將痛哭奔走。往迎其父。父子之愛。本於天性。輒能悔痛真切如此。蒯瞶豈不感動底豫。蒯瞶旣還。輒乃致國請戮。瞶已見化於子。又有夫子至誠調和其間。當亦決不肯受。仍以命輒。羣臣百姓。又必欲得輒爲君。輒乃自暴其罪惡。請於天子。告於方伯諸侯。而必欲致國於父。瞶與羣臣百姓。亦皆表輒悔悟仁孝之美。請於天子。告於方伯諸侯。必欲



腐儒之所  
爲

得輒而爲之君。於是集命於輒。使之復君衛國。輒  
不得已。乃如後世上皇故事。率羣臣百姓尊瞶爲  
太公。備物致養。而始退復其位焉。則君君臣臣父  
父子子。名正言順。一舉而可爲政於天下矣。孔子  
正名。或是如此。

澄在鴻臚寺倉居。忽家信至。言兒病危。澄心甚憂悶。  
不能堪。先生曰。此時正宜用功。若此時放過閒時。  
講學何用。人正要在此等時磨鍊。父之愛子。自是  
至情。然天理亦自有個中和處。過卽是私意。人於  
此處多認做天理當愛。則一向憂苦不知。已是有



此是就後來養成工夫論若論天命賦予常人都是有的

所憂患不得其正大抵七情所感多只是過少不及者才過便非心之本體必須調停適中始得就如父母之喪人子豈不欲一哭便死方快於心然却曰毀不滅性非聖人強制之也天理本體自有分限不可過也人但要識得心體自然增減分毫不得

不可謂未發之中常人俱有蓋體用一源有是體卽有是用有未發之中卽有發而皆中節之和今人未能有發而皆中節之和須知是他未發之中亦未能全得



卽此便可  
識養之工  
夫不專在  
守着一腔  
子

夜氣是就常人說，學者能用功，則日間有事無事，皆是此氣翕聚發生處。聖人則不消說夜氣。澄問：操存舍亡，章曰：出入無時，莫知其鄉。此雖就常人心說，學者亦須是知得心之本體，亦元是如此。則操存工夫，始沒病痛，不可便謂出爲亡，入爲存。若論本體，元是無出無入的。若論出入，則其思慮運用是出，然主宰常昭昭在此，何出之有？旣無所出，何入之有？程子所謂腔子，亦只是天理而已。雖終日應酬而不出天理，卽是在腔子裡。若出天理，斯謂之放。斯謂之亡。又曰：出入亦只是動靜，動靜



儒與佛俱向心上問消息。但佛只說個明心。不知窮理。便歸空寂。儒者只是能窮理。不越一心。而萬物皆備。參贊事業。俱本於一心。大易云。窮理盡性。以至於命。學者舍窮理。亦何事哉。

無端。豈有鄉邪。

王嘉秀問佛以出離生死。誘人入道。儒以長生久視。誘人入道。其心亦不是。要人做不好。究其極至。亦是見得聖人上一截。然非入道正路。如今仕者有繇科。有繇貢。有繇傳奉。一般做到大官。畢竟非入仕正路。君子不繇也。儒佛到極處。與儒者略同。但只知主一。不知一。卽是理。有事時。便是逐物。無事時。便是着空。惟其有事。無事。一心皆在天理上用功。所以居敬亦卽是窮理。就窮理專一處說。便謂之居敬。就居敬精密處說。便謂之窮理。却不是居



人生只此  
虛靈之體  
謂之心然  
却有因物  
付物之根  
底停停當  
當在中故  
曰理從生

敬了、別有個心窮理、窮理時、別有個心居敬、名雖  
不同、工夫只是一事、就如易言敬以直內、義以方  
外、敬卽是無事時、義義卽是有事時、敬兩句合說  
一件、如孔子言修己以敬、卽不須言義、孟子言集  
義、卽不須言敬、會得時、橫說豎說、工夫總是一般  
若泥文逐句、不識本領、卽支離決裂、工夫都無下  
落、問窮理何以卽是盡性、曰、心之體、性也、性卽理  
也、窮仁之理、直要仁極、仁窮、義之理、直要義極、義  
仁義只是吾性、故窮理卽是盡性、如孟子說充其  
惻隱之心、至仁不可勝用、這便是窮理工夫、曰、孚



而即有故  
曰性非更  
有一個理  
在心中有  
一個性在  
心中也所  
謂窮理者  
要就心中  
窮究此根  
底

人心原只  
有一個善  
惟天君無  
主惡斯乘  
之善念常  
惺安得有  
惡故曰苟  
志於仁矣

曰先儒謂一草一木亦皆有理不可不察如何先生曰夫我則不暇公且先去理會自己性情須能盡人之性然後能盡物之性日孚悚然有悟惟乾問孟子言執中無權猶執一先生曰中只是天理只是易隨時變易如何執得須是因時制宜難預先定一個規矩在如後世儒者要將道理一一說得無罅漏立定個格式此正是執一

唐詡問立志是常存個善念要為善去惡否曰善念存時即是天理此念即善更思何善此念非惡更去何惡此念如樹之根芽立志者長立此善念而



無惡也

要曉得誠自  
形外只是不  
着意表暴聖  
人雖道德功  
業滿天壤精  
神仍是翕如

着毫意思  
便不是率  
性

須要時時存  
此念卽此念  
盡淨若一念  
放下則私欲  
便萌

已從心所欲不踰矩只是志到熟處

精神道德言動大率收斂為主發散是不得已天地  
人物皆然

問文中子是如何人先生曰文中子庶幾具體而微  
惜其早死問如何却有續經之非曰續經亦未可  
盡非請問良久曰更覺良工心獨苦

喜怒哀樂本體自是中和的纔自家着些意思便過  
不及便是私

克己須要掃除廓清一毫不存方是有一毫在則衆  
惡相引而來



磨上亦要  
許多工夫  
全廢不得  
學問思辨  
篤行然只  
向裡面用

問律呂新書先生曰、學者當務爲急、算得此數熟、亦  
恐未有用、必須心中先具禮樂之本、方可且如其  
書說冬用管以候氣、然至冬至那一刻時、管灰之  
飛、或有先後、須臾之間、焉知那管正值冬至之刻、  
須自心中先曉得冬至之刻、始得此、便有不通處、  
學者須先從禮樂本原上用功、

曰、仁云、心猶鏡也、聖人心如明鏡、常人心如昏鏡、近  
世格物之說、如以鏡照物、照上用功、不知鏡尙昏  
在、何能照、先生之格物、如磨鏡而使之明、磨上用  
功、明了後、亦未嘗廢照、



無精無粗  
方是能格  
物

學所以要  
時習

不實用功  
只愁不知

問道之精麤先生曰道無精麤人之所見有精麤如這一間房人初進來只見一個大規模如此處久便柱壁之類一一看得明白再久如柱上有些文藻細細都看出來然只是一間房

先生曰諸公近見時少疑問何也人不用功莫不自以為已知為學只循而行之是矣殊不知私欲日生如地上塵一日不掃便又有一層着實用功便見道無終窮愈探愈深必使精白無一毫不徹方可

問知至然後可以言誠意今天理人欲知之未盡如



者總是無  
實爲聖賢  
之志如仲  
由未之能  
行惟恐有  
聞庶幾近  
之

近日連知  
也不去求  
如以患得  
患失爲明  
白正大之  
事有講究  
及此者反  
指之爲迂  
濶怪誕不  
亦可哀哉

何用得克己工夫先生曰人若真實切已用功不  
已則於此心天理之精微日見一日私欲之細微  
亦日見一日若不用克己工夫終日只是說話而  
已天理終不自見私欲亦終不自見如人走路一  
般走得一段方認得一段走到岐路處有疑便問  
問了又走方漸能到得欲到之處今人於已知之  
天理不肯存已知之人欲不肯去且只管愁不能  
盡知只管閒講何益之有且待克得自己無私可  
克方愁不能盡知亦未遲耳

問道一而已古人論道往往不同求之亦有要乎先



數言可悟  
一貫之旨  
然非實實  
體驗不能  
見得故孟  
子曰道一  
而已矣究  
而言之曰  
有爲者亦  
若是  
只是向裡

生曰、道無方體、不可執着、却拘滯於文義上求道  
遠矣、如今人只說天、其實何嘗見天、謂日月風雷  
卽天不可、謂人物草木不是天、亦不可、道卽是天、  
若識得時、何莫而非道、人但各以其一隅之見、認  
定以爲道止如此、所以不同、若解向裡尋求、見得  
自己心體、卽無時無處、不是此道、亘古亘今、無終  
無始、更有甚同異、心卽道道卽天、知心則知道、知  
天又曰、諸君要實見此道、須從自己心上體認、不  
假外求、始得。

問名物度數、亦須先講求否、先生曰、人只要成就自



邊理會日  
講求名物  
象數皆是  
至道

此只就才  
之所能論  
若君子之  
入道無有  
單習一事  
以爲指歸  
者如此便  
是業擅專  
門而已安  
得語道所  
以爲學工  
夫止有安  
利困勉不  
同其歸則

家。心。體。則。用。在。其。中。如。養。得。心。體。果。有。未。發。之。中。  
自。然。有。發。而。中。節。之。和。自。然。無。施。不。可。苟。無。是。心。  
雖。預。先。講。得。世。上。許。多。名。物。度。數。與。已。原。不。相。干。  
只。是。裝。綴。臨。時。自。行。不。去。亦。不。是。將。名。物。度。數。全。  
然。不。理。只。要。知。所。先。後。則。近。道。又。曰。人。要。隨。才。成。  
就。才。是。其。所。能。爲。如。夔。之。樂。稷。之。種。是。他。資。性。合。  
下。便。如。此。成。就。之。者。亦。只。是。要。他。心。體。純。乎。天。理。  
其。運。用。處。皆。從。天。理。上。發。來。然。後。謂。之。才。到。得。純。  
乎。天。理。處。亦。能。不。器。使。夔。稷。易。藝。而。爲。當。亦。能。之。  
又。曰。如。素。富。貴。行。乎。富。貴。素。患。難。行。乎。患。難。皆。是。



一也

學問要在  
得大頭腦  
視聽言動  
自然各得  
其職知顏  
子四勿之  
功不專在  
外面簡點

不器。此惟養得心體正者能之。

與其爲數頃無源之塘水。不若爲數尺有源之井水。生意不窮。時先生在塘邊坐。傍有井。故以之喻學云。

問心要逐物如何。則可。先生曰。人君端拱清穆。六卿分職。天下乃治。心統五官。亦要如此。今眼要視時。心便逐在色上。耳要聽時。心便逐在聲上。如人君要選官時。便自去坐在吏部。要調軍時。便自去坐在兵部。如此豈惟失却君體。六卿亦皆不得其職。澄曰。好色好利好名等心。固是私欲。如聞思雜慮。如



何亦謂之私欲。先生曰：畢竟從好色、好利、好名等根上起。自尋其根，便見如汝心中決知是無有做劫盜的思慮，何也？以汝元無是心也。汝若於好色、名利等心，一切皆如不做劫盜之心，一般都消滅了。光光只是心之本體，看有甚閒思慮，此便是寂然不動。便是未發之中，便是廓然大公。自然感而遂通，自然發而中節，自然物來順應。

問：志至氣次。先生曰：志之所至，氣亦至焉之謂，非極至次貳之謂。持其志，則養氣在其中，無暴其氣，則亦持其志矣。孟子救告子之偏，故如此夾持說。



聖賢分量  
之別自是  
如此然聖  
賢之心實  
未嘗見得  
有此只是  
日進無疆  
而已故曰  
賢希聖聖  
希天

問先儒曰聖人之道必降而自卑賢人之言則引而自高如何先生曰不然如此却是僞也聖人如天無往而非天三光之上天也九地之下亦天也天何嘗有降而自卑此所謂大而化之也賢人如山嶽守其高而已然百仞者不能引而爲千仞千仞者不能引而爲萬仞是賢人未嘗引而自高也引而自高則僞矣

問伊川謂不當於喜怒哀樂未發之前求中延平却教學者看未發之前氣象何如先生曰皆是也伊川恐人於未發前討個中把中做一物看如吾向



舍戒慎恐  
懼實無涵  
養省察工  
夫

一時一事  
之中和亦  
是全體之  
發見若能  
因此而充

所謂認氣定時做中故令只於涵養省察上用功  
延平恐人未便有下手處故令人時時刻刻求未  
發前氣象使之正目而視惟此傾耳而聽惟此卽  
是戒慎不睹恐懼不聞的工夫皆古人不得已誘  
人之言也

澄問喜怒哀樂之中和其全體常人固不能有如一  
件小事當喜怒哀者平時無有喜怒之心至其臨時  
亦能中節亦可謂之中和乎先生曰在一時一事  
固亦可謂之中和然未可謂之大本達道人性皆  
善中和是人人原有的豈可謂無但常人之心中既



之便是大本達道子  
與氏云苟能充之足  
以保四海常人之與  
至誠只爭能充與不  
能充耳

掃除蕩滌當於何處  
下手只是常存一戒  
慎恐懼之心念念歸  
到天理上寂然不動  
如是也感而應物亦  
如是也如

有所昏蔽則其本體雖亦時時發見終是暫明暫  
滅。非其全體大用矣。無所不中。然後謂之大本。無  
所不和。然後謂之達道。惟天下之至誠。然後能立  
天下之大本。曰澄於中字之義。尙未明。曰此須向  
心體認出來。非言語所能喻。中只是天理。曰何者  
爲天理。曰去得人欲。便識天理。曰天理何以謂之  
中。曰無所偏倚。曰無所偏倚。是何等氣象。曰如明  
鏡然。全體瑩徹。略無纖塵染着。曰偏倚是有所染  
着。如着在好色好利好名等項上。方見得偏倚。若  
未發時。美色名利皆未嘗著。何以便知其有所偏



只向靜中存想不從事境上磨練得過終是虛想如未見色而  
言不好色那見得不好色好必如操萬斛之舟於狂風巨浪之中指南一針不走方見得是中

倚曰雖未嘗著然平日好色好利好名之心原未嘗無既未嘗無即謂之有既謂之有則亦不可謂無偏倚譬之病瘡之人雖有時不發而病根原不曾除則亦不得謂之無病之人矣須是平日好色好利好名等項一應私心掃除蕩滌無復纖毫畱滯而此心全體廓然純是天理方可謂之喜怒哀樂未發之中方是天下之大本

問顏子沒而聖學亡此語不能無疑先生曰見聖道之全者惟顏子觀喟然一歎可見其謂夫子循循然善誘人博我以文約我以禮是見破後如此說



得道者文  
禮亦是筌  
蹄

一息放下  
學問思辨  
篤行心便  
不存

博文約禮。如何是善誘人。學者須思之道之全體。  
聖人亦難以語人。須是學者自修自悟。顏子雖欲  
從之。末由也已。卽文王望道未見意。望道未見。乃  
是真見。顏子歿而聖學之正脉。遂不盡傳矣。  
問身之主爲心。心之靈明是知。知之發動是意。意之  
所著爲物。是如此否。先生曰。亦是。  
只存得此心。常見在。便是學過去未來事。思之何益。  
徒放心耳。

尙謙問孟子之不動心。與告子異。先生曰。告子是硬  
把捉着此心。要他不動。孟子却是集義到自然不



集義如云  
事合於義  
便是義外  
不可不辨

動又曰心之本體原自不動心之本體卽是性性  
卽是理性元不動理元不動集義是復其心之本  
體。

萬象森然時亦冲漠無朕冲漠無朕卽萬象森然冲  
漠無朕者一之父萬象森然者精之母一中有精  
精中有一

先生曰今爲吾所謂格物之學者尙多流於口耳況  
爲口耳之學者能反於此乎天理人欲其精微必  
時時用力省察克治方日漸有見如今一說話之  
間雖只講天理不知心中倏忽之間已有多少私



數語俗學  
病根盡數  
拈出

如分動爲  
格物則是  
君子於靜  
時便是禪  
寂

以誠意爲  
主去格物  
格物卽是  
擇善

欲。蓋有竊發而不知者。雖用力察之。尙不易見。況  
徒口講而可得盡知乎。今只管講天理來。頓放着  
不循講。人欲來。頓放着不去。豈格物致知之學。後  
世之學其極至。只做得個義襲而取的工夫。  
問格物於動處用功否。先生曰。格物無間動靜。靜亦  
物也。孟子謂必有事焉。是動靜皆有事。  
工夫難處。全在格物致知上。此卽誠意之事。意旣誠。  
大段心亦自正。身亦自修。但正心修身工夫。亦各  
有用力處。修身是已發邊。正心是未發邊。心正則  
中。身修則和。



此明德察  
蒼天八重  
淵天地民  
物那一件  
不是明德  
中事聖人  
舍却明明  
德更有何  
工夫

自格物致知至平天下。只是一個明明德。雖親民亦  
明德事也。明德是此心之德。卽是仁。仁者以天地  
萬物爲一體。使有一物失所。便是吾仁有未盡處。  
只說明明德而不說親民。便似老佛。  
至善者性也。性元無一毫之惡。故曰至善。止之是復  
其本然而已。  
問知至善卽吾性。吾性具吾心。吾心乃至善所止之  
地。則不爲向時之紛然外求而志定矣。定則不擾  
擾而靜。靜而不妄動。則安安則一心一意。只在此  
處。千思萬想。務求必得此至善。是能慮而得矣。如



要識墨氏亦是毅然以仁爲已往者但是他只看得仁之大規模不曾曉得仁之真本體據其萬物一體之念看達人當無異於父子兄弟全不顧父子兄弟不可並途

此說是否先生曰大略亦是

問程子云仁者以天地萬物爲一體何墨氏兼愛反不得謂之仁先生曰此亦甚難言須是諸君自體認出來始得仁是造化生生不息之理雖彌滿周遍無處不是然其流行發生亦只有個漸所以生生不息如冬至一陽生必自一陽生而後漸至於六陽若無一陽之生豈有六陽陰亦然惟其漸所以便有個發端處惟其有個發端處所以生惟其生所以不息譬之木其始抽芽便是木之生意發端處抽芽然後發幹發幹然後生枝生葉然後是



人總是不  
能學問思  
辨篤行晰  
理未精故  
也。如有子  
云孝弟爲  
仁之本是  
爲得之。

看來還只  
是無私心  
爲主心無  
私自然當

生生不息。若無芽。何以有榦。有枝葉。能抽芽。必是  
下面有個根在。有根方生。無根便死。無根何從抽  
芽。父子兄弟之愛。便是人心。生意發端處。如木之  
抽芽。自此而仁。民而愛物。便是發榦生枝生葉。墨  
氏兼愛無差等。將自家父子兄弟。與途人一般看。  
便自沒了發端處。不抽芽。便知得他無根。便不是  
生生不息。安得謂之仁。孝弟爲仁之本。却是仁理。  
從裡面發出來。

問延平云。當理而無私心。當理與無私心。如何分別。  
先生曰。心卽理也。無私心。卽是當理。未當理。便是。



理釋氏之  
未當於理  
亦是他在  
出入生死  
上起見所  
以究竟成  
得一個私  
已不能成  
位育事業

學問只要心  
地無私如籠  
統說個大概  
是直頭直腦  
工夫細尋其  
發端究竟寔  
間不容髮今  
試舉仁義兩  
字言仁義曷  
嘗有私然墨

私心若析心與理言之恐亦未善又問釋氏於世  
間一切情欲之私都不染着似無私心但外棄人  
倫却似未當理曰亦只是一統事都只是成就他  
一個私己的心

右門人  
陸澄錄

### 傳習錄三

侃問專涵養而不務講求將認欲作理則如之何先  
生曰人須是知學講求亦只是涵養不講求只是  
涵養之志不切曰何謂知學曰且道爲何而學學  
個甚曰嘗聞先生教學是學存天理心之本體卽



氏認那兼愛是仁究其害直到無父田地楊氏認那爲我是義究其害直到無君田地二氏發念未嘗有私只是察識不精流害遂至於此講求之功是必不容已第不容徒役役於聞見外用其精神耳

只就改過遷善上用功此心惟日見不足自無光景効驗之可言

是天理體認天理只要自心地無私意曰如此則只須克去私意便是又愁甚理欲不明曰正恐這些私意認不真曰總是志未切志切目視耳聽皆在此安有認不真的道理是非之心人皆有之真假外求講求亦只是體當自心所見不成去心外別有個見

先生問在坐之友比來工夫何似一友舉虛明意思先生曰此是說光景一友敘今昔異同先生曰此是說効驗二友惘然請問先生曰吾輩今日用功只是要爲善之心真切這個心真切見善卽遷有



卽此可見  
先生之心  
獨苦

過卽改方是真切工夫。如此則人欲日消，天理日明。若只管求光景，說効驗，却是助長外馳，病痛不是工夫。

朋友觀書，多有摘議晦菴者。先生曰：是。有心求異，卽不是。吾說與晦菴時有不同者，爲入門下手處，有毫釐千里之分，不得不辯。然吾之心與晦菴之心，未嘗異也。若其餘文義解得明當處，如何動得一字。

希淵問：聖人可學而至，然伯夷伊尹於孔子才力終不同，其同謂之聖者安在？先生曰：聖人之所以爲



聖只是其心。純乎天理而無人欲之雜。猶精金之  
所以爲精。但以其成色足而無銅鉛之雜也。人到  
純乎天理方是聖。金到足色方是精。然聖人之才  
力。亦有大小不同。猶金之分兩有輕重。堯舜猶萬  
鎰。文王孔子猶九千鎰。禹湯武王猶七八千鎰。伯  
夷伊尹猶四五千鎰。才力不同而純乎天理則同。  
皆可謂之聖人。猶分兩雖不同而足色則同。皆可  
謂之精金。以五千鎰者而入於萬鎰之中。其足色  
同也。以夷尹而廁之堯孔之間。其純乎天理同也。  
蓋所以爲精金者在足色。而不在分兩。所以爲聖



才力限於  
稟必求才

者。在。純。乎。天。理。而。不。在。才。力。也。故。雖。凡。人。而。肯。爲。學。使。此。心。純。乎。天。理。則。亦。可。爲。聖。人。猶。一。兩。之。金。比。之。萬。鎰。分。兩。雖。懸。絕。而。其。到。足。色。處。可。以。無。愧。故。曰。人。皆。可。以。爲。堯。舜。者。以。此。學。者。學。聖。人。不。過。是。去。人。欲。而。存。天。理。耳。猶。鍊。金。而。求。其。足。色。金。之。成。色。所。爭。不。多。則。煅。鍊。之。工。省。而。功。易。成。成。色。愈。下。則。煅。鍊。愈。難。人。之。氣。質。清。濁。粹。駁。有。中。人。以。上。中。人。以。下。其。於。道。有。生。知。安。行。學。知。利。行。其。下。者。必。須。人。一。己。百。人。十。己。千。及。其。成。功。則。一。後。世。不。知。作。聖。之。本。是。純。乎。天。理。却。專。去。知。識。才。能。上。求。



力之同便  
見聖人非  
人所能爲  
只求純乎  
天理而不  
論才力所  
以人皆可  
以爲堯舜

舍內務外  
俗學之病  
信然總只  
是無真爲  
聖人之心

聖人。以爲聖人。無所不知。無所不能。我須是將聖  
人許多知識才能。逐一理會始得。故不務去天理  
上着工夫。徒弊精竭力。從冊子上鑽研名物上考  
索形跡上比擬。知識愈廣。而人欲愈滋。才力愈多。  
而天理愈蔽。正如見人有萬鎰精金。不務煅鍊成  
色。求無愧於彼之精純。而乃妄希分兩。務同彼之  
萬鎰。錫鉛銅鐵雜然。而投分兩。愈增而成色愈下。  
既其稍末。無復有金矣。時曰。仁在傍。曰。先生此喻。  
足以破世儒支離之惑。大有功於後學。先生又曰。  
吾輩用功。只求日減。不求日增。減得一分人欲。便



愚謂朱晦翁晚年之悔正是恍然有悟處所謂得魚忘筌者此也

是復得一分天理。何等輕快脫灑。何等簡易。士德問曰。格物之說。如先生所教。明白簡易。人人見得。文公聰明絕世。於此反有未審。何也。先生曰。文公精神氣魄大。是他早年合下便要繼往開來。故一向只就考索著述上用功。若先切己自修。自然不暇及此。到得德盛後。果憂道之不明。如孔子退修六籍。刪繁就簡。開示來學。亦大段不費甚考索。文公早歲便著許多書。晚年方悔是倒做了。士德曰。晚年之悔。如謂向來定本之悞。又謂雖讀得書。何益於吾事。又謂此與守書籍泥言語全無交涉。



是他到此方悔從前用功之錯。方去切已自修矣。  
曰。然。此是文公不可及處。他力量大。一悔便轉。可  
惜。不久卽去世。平日許多錯處。皆不及改正。

侃

去花間草。因曰。天地間何善難培。惡難去。先生曰。

未培未去耳。少間曰。此等看善惡。皆從軀殼起念。

便會錯。侃未達。曰。天地生意。花草一般。何曾有善

惡之分子。欲觀花。則以花爲善。以草爲惡。如欲用

草時。復以草爲善矣。此等善惡。皆繇汝心好惡所

生。故知是錯。曰。然則無善無惡乎。曰。無善無惡者。

理之靜。有善有惡者。氣之動。不動於氣。卽無善無

天地間物  
之善惡原  
有恰當宜  
好宜惡處  
容不得一  
毫私意聖



人只是因物付物胸中不曾偏執有可好可惡之物便是萬物咸若氣象若常人於已之所欲者而好之已之不欲者而惡之眼前便多不恰意之物卽此可識公私之辨

惡是謂至善曰佛氏亦無善無惡何以異曰佛氏着在無善無惡上便一切都不管不可以治天下聖人無善無惡只是無有作好無有作惡不動於氣然遵王之道會其有極便自一循天理便有個裁成輔相曰草旣非惡卽草不宜去矣曰如此却是佛老意見草若有礙何妨汝去曰如此又是作好作惡曰不作好惡非是全無好惡却是無知覺的人謂之不作者只是好惡一循於理不去又着一分意思如此卽是不會好惡一般曰去草如何是一循於理不着意思曰草有妨礙理亦宜去去



好惡一動  
於氣便是  
惡真發先  
儒所未發

之而已。偶未卽去，亦不累心。若着了一分意思，卽  
心體便有貽累。便有許多動氣處。曰：然則善惡全  
不在物。曰：只在汝心。循理便是善，動氣便是惡。曰：  
畢竟物無善惡。曰：在心如此，在物亦然。世儒惟不  
知此，舍心逐物，將格物之學錯看了。終日馳求於  
外，只做得個義襲而取，終身行不著，習不察。曰：如  
好好色，如惡惡臭，則如何。曰：此正是一循於理，是  
天理合如此。本無私意，作好作惡。曰：如好好色，如  
惡惡臭，安得非意。曰：却是誠意，不是私意。誠意只  
是循天理，雖是循天理，亦着不得一分意。故有所



可思

忿懣好樂則不得其正，須是廓然大公，方是心之本體。知此卽知未發之中。伯生曰：先生云草有妨礙，理亦宜去。緣何又是軀殼起念？曰：此須汝心自體當。汝要去草，是甚麼心？周茂叔牕前草不除，是甚麼心？

先生謂學者曰：爲學須得個頭腦工夫，方有着落。縱未能無間，如舟之有舵，一提便醒。不然，雖從事於學，只做得個義襲而取，只是行不著，習不察，非大本達道也。又曰：見得時，橫說豎說皆是；若於此處通，彼處不通，只是未見得。



君子富貴  
貧賤夷狄  
患難無不  
涉歷卒無  
入不自得  
何等自在  
亦只是其  
主宰常定  
故曰自得  
彼多忙者  
只是無得  
故耳

今人并名  
亦不好是

或問爲學以親故不免舉業之累先生曰以親之故而舉業爲累於學則治田以養其親者亦有累於學乎先正云惟患奪志但恐爲學之志不真切耳崇一問尋常意思多忙有事固忙無事亦忙何也先生曰天地氣機元無一息之停然有個主宰故不先不後不急不緩雖千變萬化而主宰常定人得此而生若主宰定時與天運一般不息雖酬酢萬變常是從容自在所謂天君泰然百體從令若無主宰便只是這氣奔放如何不忙先生曰爲學大病在好名侃曰從前歲白謂此病已



又。好。名。者。之。罪。人。矣。因。思。三。代。以。下。惟。恐。不。好。名。此。語。有。無。限。感。慨。

果然果然

解聞字妙

人終日說  
悔悟俱是

輕。比。來。精。察。乃。知。全。未。豈。必。務。外。爲。人。只。聞。譽。而。喜。聞。毀。而。悶。卽。是。此。病。發。來。曰。最。是。名。與。實。對。務。實。之。心。重。一。分。則。務。名。之。心。輕。一。分。全。是。務。實。之。心。卽。全。無。務。名。之。心。若。務。實。之。心。若。饑。之。求。食。渴。之。求。飲。安。得。更。有。工。夫。好。名。君。子。疾。沒。世。而。名。不。稱。稱。字。去。聲。讀。亦。聲。聞。過。情。君。子。耻。之。之。意。實。不。稱。名。生。猶。可。補。沒。則。無。及。矣。四。十。五。十。而。無。聞。是。不。聞。道。非。無。聲。聞。也。孔。子。云。是。聞。也。非。達。也。安。肯。以。此。望。人。

保多悔先生曰、悔悟是去病之藥、然以改之爲貴、若



信以文過  
之詞

畱滯於中。則又因藥發病。

德章曰。聞先生以精金喻聖。以分兩喻聖人之分量。以煅鍊喻學者之工夫。最爲深切。惟謂堯舜爲萬鎰。孔子爲九千鎰。疑未安。先生曰。此又是軀殼上起念。故替聖人爭分兩。若不從軀殼上起念。卽堯舜萬鎰。不爲多。孔子九千鎰。不爲少。堯舜萬鎰。只是孔子的。孔子九千鎰。只是堯舜的。原無彼我。所以謂之聖。只論精一。不論多寡。只要此心純乎天理處同。便同謂之聖。若是力量氣魄。如何盡同得。後儒只在分兩上較量。所以流入功利。若除去了。



佛氏認着  
體墨氏認  
着用均失  
之如中庸

比較分兩的心，各人儘着自己力量精神，只在此  
心純天理上用功，卽人人自有，有個圓成，便能大  
以成，大小以成，小不假外慕，無不具足，此便是實  
實落落，明善誠身的事。後儒不明聖學，不知就自  
己心地良知良能上，體認擴充，却去求知其所不  
知，求能其所不能，一味只是希高慕大，不知自己  
是桀紂心地，動輒要做堯舜事業，如何做得？終年  
碌碌，至於老死，竟不知成就了個甚麼，可哀也已。  
俚問先儒以心之靜爲體，心之動爲用，如何？先生曰：  
心不可以動靜爲體用，動靜時也。卽體而言，用在



所云合內  
外之道始  
得

二字大有  
警省人處

本註云明善  
而復其初善  
即先生所謂  
天理也凡物  
俱有去來有  
晦明獨此善  
存於心日用  
飲食晝夜衾  
影無時或離  
君子之學所

體。卽用而言。體在用。是謂體用一源。若說靜可以  
見其體動。可以見其用。却不妨。

問上智下愚。如何不可移。先生曰。不是不可移。只是  
不肯移。

問子夏門人問交章。先生曰。子夏是言小子之交。子  
張是言成人之交。若善用之。亦俱是。

子仁問學而時習之。不亦說乎。先儒以學爲效先覺  
之所爲。如何。先生曰。學是學去人欲存天理。從事  
於去人欲存天理。則自正諸先覺。考諸古訓。自下  
許多問辯思索。存省克治工夫。然不過欲去此心



以明善時習者只是常提此善不令之昏昧放逸動靜語默以至向晦入晏息不愧衾影皆習也即如點之童冠咏歸看來不過是閑要然胸中自有理會處亦習也就此中有欲一息放下不得者便是悅苟學不知理會此善即博極萬殊於本來何與終嚼蠟無味耳惡得悅

之人欲存吾心之天理耳。若曰效先覺之所爲，則只說得學中一件事。亦似專求諸外了。時習者，坐如尸。非專習坐也。坐時習此心也。立如齋。非專習立也。立時習此心也。說是義理之說，我心之說，人心本自說理義。如日本說色耳，本說聲。惟爲人欲所蔽所累，始有不說。今人欲日去，則理義日洽，安得不說。

國英問曾子三省雖切，恐是未聞一貫時工夫。先生曰：一貫是夫子見曾子未得用功之要，故告之。學者果能忠恕上用功，豈不是一貫。一如樹之根本。



貫如樹之枝葉，未種根，何枝葉之可得？體用一源，體未立，用安從生？謂曾子於其用處，蓋已隨事精察而力行之，但未知其體之一，此恐未盡。

黃誠甫問：女與回也孰愈？章先生曰：子貢多學而識，在聞見上用功；顏子在心地上用功。故聖人問以啟之，而子貢所對，又只在知見上，故聖人歎惜之，非許之。

顏子不遷怒，不貳過，亦是有未發之中，始能種樹者必培其根，種德者必養其心。欲樹之長，必於始生時刪其繁枝，欲德之盛，必於始學時去夫外



外好不獨  
功名富貴  
詩文之類  
即稍存一  
見小欲速  
之心皆外  
好也故必  
勿助勿忘  
專一不二  
方謂真立  
志立志者  
辨之

好如外好詩文則精神日漸漏泄在詩文上去凡  
百外好皆然又曰我此論學是無中生有的工夫  
諸公須要信得乃只是立志學者一念爲善之志  
如樹之種但勿助勿忘只管培植將去自然日夜  
滋長生氣日完枝葉日茂樹初生時便抽繁枝亦  
須刊落然後根幹能大初學時亦然故立志貴專  
一

因論先生之門某人在涵養上用功某人在識見上  
用功先生曰專涵養者日見其不足專識見者日  
見其有餘日不足者日有餘矣日有餘者日不足



矣。

其實事物之理卽此心之理人見爲事物自見道者視之活活潑潑何莫非性命之理故夫子曰天何言哉四時行焉百物生焉時物皆外也悟則

梁曰孚問居敬窮理是兩事先生以爲一事何如先生曰天地間只有此一事安有兩事若論萬殊禮儀三百威儀三千又何止兩公且道居敬是如何窮理是如何曰居敬是存養工夫窮理是窮事物之理曰存養個甚曰是存養此心之天理曰如此亦只是窮理矣曰且道如何窮事物之理曰如事親便要窮孝之理事君便要窮忠之理曰忠與孝之理在君親身上在自己心上若在自己心上亦只是窮此心之理矣且道如何是敬曰只是主一



卽外皆內  
也不得道  
者一膜之  
外盡成睽  
隔得道者  
天地萬物  
皆一體窮  
理者須放  
此大眼孔  
事物紛拏  
而理惟一  
若以專一  
於事爲敬  
便是逐境  
而畱怠荒  
甚矣安云  
居敬哉惟  
憑一理爲  
主卽千變  
萬化無弗

如何是主。一曰如讀書便。一心在讀書上。接事便。一心在接事上。曰如此。則飲酒便。一心在飲酒上。好色便。一心在好色上。却是逐物成。甚居敬工夫。日孚請問曰。一者天理。主一。是一心在天理上。若這個靈能不爲私欲遮隔。充拓得盡。便完完是他本體。便與天地合德。自聖人以下。不能無蔽。故須格物以致其知。

守衡問大學工夫只是誠意。誠意工夫只是格物。修齊治平只誠意盡矣。又有正心之功。有所忿懣好樂則不得其正。何也。先生曰。此要自思得之。知此



專一方是  
主敬之學

獨知本是  
合動靜而  
爲言如人  
日用云爲

則知未發之中矣。守衡再三請曰：爲學工夫有淺深。初時若不着實用意去好善惡惡，如何能爲善去惡？這着實用意便是誠意。然不知心之本體，原無一物，一向着意去好善惡惡，便又多了這分意思。便不是廓然大公。書所謂無有作好作惡，方是本體。所以說有所忿懣好樂，則不得其正。正心只是誠意工夫。裡面體當自家心體，常要鑑空衡平。這便是未發之中。

正之問：戒懼是已所不知，時工夫；慎獨是已所獨知，時工夫。此說如何？先生曰：只是一個工夫。無事時。



衆所共見  
就中一念  
隱微惟已  
獨知卽昏  
夜熟睡魂  
交成夢亦  
是知之不  
滅處是卽  
先生良知  
之說故欲  
慊此獨知  
不是真心  
靜坐便盡  
獨知工夫  
必靜時體  
認天理一  
念不走錯  
亦必日用  
所行事事  
盡合天理

固。是。獨。知。有。事。時。亦。是。獨。知。人。若。不。知。於。此。獨。知  
之。地。用。力。只。在。人。所。共。知。處。用。功。便。是。作。僞。便。是  
見。君。子。而。後。厭。然。此。獨。知。處。便。是。誠。的。萌。芽。此。處  
不。論。善。念。惡。念。更。無。虛。假。一。是。百。是。一。錯。百。錯。正  
是。王。霸。義。利。誠。僞。善。惡。界。頭。於。此。一。立。立。定。便。是  
端。本。澄。源。便。是。立。誠。古。人。許。多。誠。身。的。工。夫。精。神  
命。脉。全。體。只。在。此。處。真。是。莫。見。莫。顯。無。時。無。處。無  
終。無。始。只。是。此。個。工。夫。今。若。又。分。戒。懼。爲。已。所。不  
知。卽。工。夫。便。支。離。便。有。間。斷。旣。戒。懼。卽。是。知。已。若  
不。知。是。誰。戒。懼。如。此。見。解。便。要。流。入。斷。滅。禪。定。曰。



方能不愧  
此獨知故  
孟子曰行  
有不慊於  
心則餒矣  
君子之學  
所以動靜  
皆有事究  
之只成個  
內省不疚

不論善念惡念更無虛假則獨知之地更無無念  
時邪曰戒懼亦是念戒懼之念無時可息若戒懼  
之心稍有不存不是昏瞶便已流入惡念自朝至  
暮自少至老若要無念卽是已不知此除是昏睡  
除是槁木死灰

志道問荀子云養心莫善於誠先儒非之何也先生  
曰此亦未可便以爲非誠字有以工夫說者誠是  
心之本體求復其本體便是思誠的工夫明道說  
以誠敬存之亦是此意大學欲正其心先誠其意  
荀子之言固多病然不可一例吹毛求疵大凡看



形色天性也  
惟聖人然後  
可以踐形  
色豈輕視得  
使一身之耳  
目視聽件件  
合於天理方  
是踐形且聖  
人合天下以  
爲身卽盡人

人言語若先有個意見便有過當處爲富不仁之  
言孟子有取於陽虎此便見聖賢大公之心

蕭惠問已私難克奈何先生曰將汝已私來替汝克  
先生曰人須有爲已之心方能克已能克已方能  
成已蕭惠曰惠亦頗有爲已之心不知緣何不能  
克已先生曰且說汝有爲已之心是如何惠良久  
曰惠亦一心要做好事便自謂頗有爲已之心今  
思之看來亦只是爲得個軀殼的已不曾爲個真  
已先生曰真已何曾離着軀殼恐汝連那軀殼的  
已也不曾爲且道汝所謂軀殼的已豈不是耳目



盡物參贊天  
地揔不過完  
得聰明睿知  
踐此耳目視  
聽之已舍軀  
殼而另求克  
已便入空幻  
一路總是見  
道未明

快讀一過  
如憤而醒  
如暗而鳴  
今後方知  
有身

口鼻四肢惠曰正是爲此目便要色耳便要聲口  
便要味四肢便要逸樂所以不能克先生曰美色  
令人目盲美聲令人耳聾美味令人口爽馳騁田  
獵令人發狂這都是害汝耳目口鼻四肢的豈得  
是爲汝耳目口鼻四肢若爲着耳目口鼻四肢時  
便須思量耳如何聽目如何視口如何言四肢如  
何動必須非禮勿視聽言動方才成得個耳目口  
鼻四肢這個才是爲着耳目口鼻四肢汝今終日  
向外馳求爲名爲利這都是爲着軀殼外面的物  
事汝若爲着耳目口鼻四肢要非禮勿視聽言動



時○豈○是○汝○耳○目○口○鼻○四○肢○自○能○勿○視○聽○言○動○須○繇○  
汝○心○這○視○聽○言○動○皆○是○汝○心○汝○心○之○視○發○竅○於○目○  
汝○心○之○聽○發○竅○於○耳○汝○心○之○言○發○竅○於○口○汝○心○之○  
動○發○竅○於○四○肢○若○無○汝○心○便○無○耳○目○口○鼻○所○謂○汝○  
心○亦○不○專○是○那○一○團○血○肉○若○是○那○一○团○血○肉○如○今○  
已○死○的○人○那○一○团○血○肉○還○在○緣○何○不○能○視○聽○言○動○  
所○謂○汝○心○却○是○那○能○視○聽○言○動○的○這○個○便○是○性○便○  
是○天○理○有○這○個○性○才○能○生○這○性○之○生○理○便○謂○之○仁○  
這○性○之○生○理○發○在○目○便○會○視○發○在○耳○便○會○聽○發○在○  
口○便○會○言○發○在○四○肢○便○會○動○都○只○是○那○天○理○發○生○



子與氏云  
所以考其  
善不善者  
豈有他哉  
於已取之  
而已便是  
此意

以其主宰一身故謂之心。這心之本體原只是個  
天理原無非禮。這個便是汝之真已。這個真已是  
軀殼的主宰。若無真已便無軀殼。真是有之。即生  
無之。即死。汝若真爲那個軀殼的已。必須用着這  
個真已。便須常常保守着這個真已的本體。戒慎  
不覩。恐懼不聞。惟恐虧損了他一些。才有一毫非  
禮萌動。便如刀割。如針刺。忍耐不過。必須去了刀。  
拔了針。這才是有爲已之心。方能克已。汝今正是  
認賊作子。緣何却說有爲已之心。不能克已。  
有一學者病目。戚戚甚憂。先生曰。爾乃貴目賤心。



如冷水澆  
背令人猛  
然一驚

蕭惠好僊釋先生警之曰吾亦自幼篤志二氏自謂  
既有所得謂儒者爲不足學其後居夷三載見得  
聖人之學若是其簡易廣大始自歎悔錯用了三  
十年氣力大抵二氏之學其妙與聖人只有毫釐  
之間汝今所學乃其土苴輒自信自好若此真鴟  
鵂竊腐鼠耳惠請問二氏之妙先生曰向汝說聖  
人之學簡易廣大汝却不問我悟的只問我悔的  
惠慚謝請問聖人之學先生曰汝今只是了人事  
問待汝辦個真要求爲聖人的心來與汝說惠再  
三請先生曰已與汝一句道盡汝尙自不會



凡到真處  
俱是無容  
言說可以  
言解者卽  
落第二義

識得此道  
真是萬古

劉觀時問未發之中是如何先生曰汝但戒慎不覩  
恐懼不聞養得此心純是天理便自然見觀時請  
略示氣象先生曰啞子喫苦瓜與爾說不得爾要  
知此苦還須爾自喫時曰仁在傍曰如此才是真  
知卽是行矣一時在座諸友皆有省

蕭惠問死生之道先生曰知晝夜卽知死生問晝夜  
之道曰知晝則知夜曰晝亦有所不知乎先生曰  
汝能知晝懵懵而興蠢蠢而食行不著習不察終  
日昏昏只是夢晝惟息有養瞬有存此心惺惺明  
明天理無一息間斷才是能知晝這便是天德便



不夜萬古  
不死矣

是通乎晝夜之道而知更有甚麼死生

馬子莘問修道之教舊說謂聖人品節吾性之固有以爲法於天下若禮樂刑政之屬此意如何先生曰道卽性卽命本是完完全全增減不得不假修飾的何須要聖人品節却是不完全的物件禮樂刑政是治天下之法固亦可謂之教但不是子思本旨若如先儒之說下面繇教入道的緣何舍了聖人禮樂刑政之教別說出一段戒慎恐懼工夫却是聖人之教爲虛設矣子莘請問先生曰子思性道教皆從本原上說天命於人則命便謂之性

得了本原  
禮樂刑政  
亦自在其  
中所謂橫  
說豎說皆  
是也如後



章文之無  
憂武之達  
孝語哀之  
九經何嘗  
不在制作  
上說只要  
得其本原  
耳

如此說來  
真是了徹

率性而行，則性便謂之道。修道而學，則道便謂之  
教。率性是誠者事。所謂自誠明，謂之性也。修道是  
誠之者事。所謂自明誠，謂之教也。聖人率性而行，  
卽是道。聖人以下，未能率性於道，未免有過不及，  
故須修道。修道則賢知者不得而過，愚不肖者不  
得而不及，都要循着這個道，則道便是個教。此教  
字與天道至教，風雨霜露無非教也。之教同。修道  
字與修道以仁同。人能修道，然後能不違於道，以  
復其性之本體，則是亦聖人率性之道矣。下面戒  
慎恐懼，便是修道的工夫。中和便是復其性之本。



體。如。易。所。謂。窮。理。盡。性。以。至。於。命。中。和。位。育。便。是。盡。性。至。命。

生。今。反。古。聖。人。所。戒。爲。邦。而。用。夏。殷。之。制。寧。有。此。理。此。不。過。是。參。酌。二。代。之。政。而。師。其。意。云。行。夏。時。見。爲。邦。當。重。民。事。也。云。乘。殷。輅。見。爲。邦。當。存。朴。質。也。此。便。

黃誠甫問先儒以孔子告顏子爲邦之問，是立萬世常行之道，如何？先生曰：顏子具體聖人，其於爲邦的，大本大原都已完備。夫子平日知之已深，到此都不必言，只就制度文爲上說。此等處亦不可忽略。須要是如此方盡善，又不可因自己本領是當了，便於防範上疎濶。須是要放鄭聲，遠佞人，蓋顏子是個克己向裡德上用心的人，孔子恐其外面末節或有疎略，故就他不足處幫補說。若在他入



是聖人考諸  
三王而不謬  
素王固已備  
帝王之經制

性卽心所具  
之理是豈有  
舍事物之理  
杳杳冥冥而  
獨存之理原  
不消牽扯本  
是一家骨肉

須告以爲政在人、取人以身、修身以道、修道以仁、  
達道九經、及誠身許多工夫、方始做得、這個方是  
萬世常行之道、不然、只去行了夏時、乘了殷輅、服  
了周冕、作了韶舞、天下便治得、後人但見顏子是  
孔門第一人、又問個爲邦、便把做天大事看了、  
蔡希淵問文公大學新本、先格致而後誠意工夫、似  
與首章次第相合、若如先生從舊本之說、卽誠意  
反在格致之前、於此尙未釋然、先生曰、大學工夫、  
卽是明明德、明明德只是個誠意、誠意的工夫、只  
是格物致知、若以誠意爲主、去用格物致知的工



夫卽工夫始有下落卽爲善去惡無非是誠意的事如新本先去窮格事物之理卽茫茫蕩蕩都無着落處須用添個敬字方才牽扯得向身心上來然終是沒根源若須用添個敬字緣何孔門倒將一個最緊要的字落了直待千餘年後要人來補出正謂以誠意爲主卽不須添敬字所以提出個誠意來說正是學問的大頭腦處於此不察真所謂毫釐之差千里之謬大抵中庸工夫只是誠身誠身之極便是至誠大學工夫只是誠意誠意之極便是至善工夫總是一般今說這裡補個敬字



歲得妙

那裡補個誠字未免畫蛇添足

孟源有自是好名之病先生屢責之一日警責方已  
一友自陳日來工夫請正源從傍曰此方是尋着  
源舊時家當先生曰爾病又發源色變議擬欲有  
所辨先生曰爾病又發因喻之曰此是汝一生大  
病根譬如方丈地內種此一大樹雨露之滋土脉  
之力只滋養得這個大根四傍縱要種些嘉穀上  
面被此樹葉遮覆下面被此樹根盤結如何生長  
得成須用伐去此樹纖根勿畱方可種植嘉種不  
然任汝耕耘培壅只是滋養得此根

右門人  
薛侃錄



陽明先生理學集卷一終



